

**KRISMAS KADS
LONG LAIK
BILONG YU**



INSAIT:

Sas bilong
buai kamap
nau - P4



Katim dinau i go
daun na yusim
mani gut- P8

Catholic Reporter
Novemba isu
insait - P9,10,19,20



PIH Saveman
Nius
NCLS bai
givim dinau
long baim
sevis bilong
hausik- PIH
- P7

2015 baset salens - yusim mani gut- no ken dinau moa



NCSL Membas Savings na Brens Sapot Menesa, Richard Leka i sanap wantaim Dokta Amya Sultan, CEO bilong PIH long taim bilong tokaut long nupela Velu Pek Medikol Sevis bilong PIH long dispela wik. Ritim moa stori long pes 7, PIH Saveman Nius. Poto: Frieda Kana

Stanley Nondol i raitim

BASET bilong kantri long 2015 bai kam daun na ol saveman i salensim gavman long yusim mani long gutpela rot na yusim stret long mani plen bilong kantri bikos gavman i gat planti dainu na tu i no mekim inap mani long apim baset i go antap moa long mak bilong K15 bilien.

Gavana bilong Benk bilong Papua Niugini, Loi Bakani na Dairekta bilong Institut bilong Nesenel Afeas, Paul Barker i givim wankain salens long gavman long yusim mani bilong kantri long gutpela rot we inap long helpim planti pipel bilong kantri long kisim sevis long pablik mani.

Tupela i givim salens long gavman i mas katim daun ol dinau bikos gavman i kisim planti dinau we kantri bai bekim tasol winmani em i no inap long apim baset na bekim dinau wantaim. Salens tu i stap long gavman i mas yusim mani bilong kantri gut long mani plen na no ken mekim komitmen ausait long baset long neks yia.

Gavman i mekim moa long K15 bilien mani plen bilong

2014 tasol long dispela baset bai kam daun long sampela bilien kina.

Baset bai kam daun bikos wok wok konstraksen bilong LNG i pinis na i no gat moa invetsmen i kam insait na tu prais bilong ol mineral i bin puudaun long las yia na long dispela yia tu. Dispela i mekim kantri i no mekim inap mani long apim baset i go antap moa long K15 bilien na winim dinau baset bilong las tupela yia.

Ol saveman i tok baset bilong 2015 bai kam daun bikos gavman i yusim bikpela milien mani long ol projek i no stap long mani plen bilong 2014.

Na i gat planti dinau stap long gavman bai bekim na em i bikpela salens long ol arapela sekta bilong developmen bai no inap kisim mani.

Mista Bakani i tokaut long kwatali ikononik ripot bilong BPNG olsem kos bilong domestik ikononik i go antap na taim tresari i laik traime long wok long daunim kos, gavman i mas yusim mani stap stret long baset na i no ken go ausait long mani plen bilong 2015.

I go moa long pes 2..

DEBT



Is the **weight**
too much?

Transfer your balance and we will
pay off your **DEBT**.

✓ Low Interest @1% p.m

✓ Suitable Terms & Conditions

✓ Flexible Repayment Terms

✓ Accessible

✓ Affordable

watch
your savings
grow

Apply Now!

Contact your nearest TISA Office

marketing@tsl.org.pg

www.tsl.org.pg

Moni-Minus

PORT MORESBY: 300 2200 | LAE: 472 4933 | MT. HAGEN: 542 2733 | KOKOPO: 982 8256 | GOROKA: 532 3511 | ALOTAU: 641 0161 | MADANG: 422 2305
KAVIENG: 984 1177 | WEWAK: 456 1177 | BUKA: 973 9400 | MANUS: 970 9198 | KIMBE: 983 4045 | VANIMO: 457 1398 | POPONDETTA: 629 7406 | IALIBU: 540 1758

TISA

Crater maining op long Isten Hailans provins

Yakam Kelo i raitim

NUPELA maining bai op long Nevera eria long Lufa, Isten Hailans provins bihain long Minista bilong Maining, Byron Chan, i sainim Maining Lis Agrimen long Trinde aste long Mosbi Palamen haus.

Minista Chan i tok dispela laisens i givim tok orait long Crater Gold Mining kampani long karimaut gol maining wok long hap bihain long 1994 taim gavman bin givim luksave long dispela eria long karimaut wok eksploresen bilong gol maining wantaim ol asples.

Crater Maining bai kam aninit long smol skel maining na olgeta wok bilong digim gol bai ol mekim aninit long graun tasol. Dispela em narakain long open pit maining we kampani i save brukim graun na kisim gol.

Minista Chan i tok dispela liklik gol maining long Crater maunten bai kamapim mani mak olsem K48.5 milien antap long 1250 auns gol bai kampani i kisim. Net profit bilong dispela maining projek bai i olsem K13.2 milien taim operesen i wok na maining i stat long mekim mani.

Mista Chan i tok Crater Main em liklik main we kos bilong ranim bai isi na tu ol samting bilong yusim na ol wok bai i no inap bikipela tumas wantaim tu bai no gat bikipela bagarap long ol bus graun na ol samting long hap.

Em i tok gavman i amamas long givim dispela laisens long maining mas go het long givim tu sampela bikipela sevis na developmen go long ol asples na Isten Hailans provins long sait bilong bisnis, ol rot na arapela sevis we pipel i sot long en.

Minista i tok dispela Maining

Lis Laisens bai i stap olsem 5-pela krismas olgeta na sapos kampani lukim moa gol na mineral i stap yet, gavman bai su-rukim taim bilong ol long go het yet wantaim maining operesen bilong ol.

Mausman bilong Crater Mining kampani, Greg Starr, i tokaut olsem ol i amamas tru long bikipela wok bung wantaim bilong gavman na ol asples long kamap wantaim dispela mak nau we ol kisim laisens bilong go het long wok maining.

Kampani i bilip dispela liklik gol maining bai kamap wangepa bikipela gol maining bihain taim long Papua Niugini olsem olgeta sapot na wanbel ol kisim nau i soim bikipela samting ol inap mekim moa long bihaini taim i kam.

Dispela eksploresen bin kisim olsem 30 krismas olgeta na kampani bin tromoi mani mak olsem K40 milien olgeta inap nau ol kisim dispela Lis Agrimen.

Gavana bilong Isten Hailans provns Julie Soso husat bin stap tu long witnesim dispela saining i tok bikipela amamas na tenkyu long Isten Hailans provins gat dispela maining i kamap nau.

Misis Soso i tok dispela samting i save kisim longpela taim na bikipela hatwok na bikipela mani save lus long en. Tasol sanap wantaim na sapot bilong gavman na kampani na ol pipel em bikipela samting tru long kamap long dispela mak.

Gavana i tok ol bai wok bung na sapot wantaim kampani bikos ol save olsem dispela maining projek bai kamapim sampela bikipela helpim tru long ol pipel bilong Lufa long maining eria we ol stap long bus hap na sot long planti bikipela gavman

sevis.

Em bilip aninit long Isten Hailans Kirapim Hauslain plen bai helpim bilong maning wantaim gavman ken kamapim rot, skul, haus sik na ol arapela bisnis helpim go long ol pipel bilong dispela hap. Long dispela em tok amamas na tenkyu tru go long gavman long luksave na givim dispela Maining Lis Agrimen go long Crate Maining kampani long kamapim dispela gol maining long Isten Hailans provins.

Mausman bilong papagraun tu tok bikipela amamas na ol redi tru long wok bung wantaim kampani na gavman long lukim dispela maining projek i helpim ol.



Sekretari bilong CSTB, Babaga Naime na Menesing Darekta bilong Phimak Limited, Philip Makarai i sainim pepa bilong K593, 000 wok bilong Yangoru Mobail polis bareks long Pot Mosbi.

Stanley Nondol i raitim

WANPELA praivet kontrakta wantaim Sentral Saplai na Tendas Bod (CSTB) i sainim wangepa agrimen long Mosbi long dispela wik long nupela moail polis bareks bai kamap long Yangoru, Is Sepik provins long nupela Oil Pam projek eria.

Seketeri bilong CSTB, Babaga Naime na Menesing Dairekta bilong Phimak Limited, Philip Makarai i sainim pepa bihain long kampani i winim pablik tenda long wokim fisibiliti stadi long mani mak bilong

K593,000.

Dispela em namba wan hap bilong projek na Phimak Limited insait long 3-pela mun bai wokim disain na wok glasim bilong 30 pela rum bilong ol singel polisman, 10 betrum haus bilong marit polis man na meri na ol samting olsem rikriesen fesiliti na ol arapela infrastraksa.

Dipatmen bilong Tred Komes na Indastri i go pas long dispela projek bilong Oil Pam long Spesol Ikonmik Zon long Is Sepik.

Nesenel gavman i tokaut long K100 milien long dispela projek. Na

K593,000 em i kam long mani gavman i tok promis long stretim ol infrastraksa projek long Oil Pam projek eria.

Gavman i laikin mobail bareks mas kamap long hap long putim was long bikipela Oil Pam projek bilong kantri bikos gavman i save putim planti mani olgeta yia long kisim ol mobail long ol narapela provins. Na dispela bai helpim gavman na oda long provins.

Minista bilong Tred Komes na Indastri, Richard Maru i laikim dispela projek i mas kamap hariap i no bin wanbel long CSTB long i no pinism ol wok hariap long saining bai kamap namel long ol, na kontrakta bihain long em bin kisim 6-pela mun olgeta.

Nesenel gavman i tokaut olsem Is Sepik bai kamap Spesol Ikonmik Jon na tokaut long K100 milien long baset bilong 2015 bai statim dispela projek.

Dispela 100 hekta Oil Pam projek em wangepa bikipela projek insait long kantri na long Pasifik na em bai kamap planti wok, bringim bikipela winmani na helpim lokal ikonomi bilong PNG.

Gavman i gat 18,000 hekta tasol na moa long 80,000 hekta bilong graun bai kamap long ol tumbuna graun.

Minista Maru i laikim lo na oda hevi noken kamap long kantri long pulim ol investa i kam insait long kantri long mekim bisnis.

2015 baset salens

I kam long pes 1...

Long las yia gavman i yusim pablik mani long bikipela milien ausait long baset na mekim planti nupela projek olsem bildim ol 2015 Pasifik gems fesiliti na wokim planti rot na ol infrastraksa long Mosbi siti.

Plantu saveman bilong gavman na rises analist i tok em i no gutpela long gavman i yusim planti mani ausait long baset.

Mista Barker i tok gavman bai bungim planti salens long 2015 baset bikos gavman i yusim planti mani ausait long baset long las tupela yia na i gat planti pablik dinau mani gavman i kisim na bai bekim long ol yia i kam bihain.

Mista Barker i salensim gavman long katim daun ol dinau na yusim mani gut long ol projek olsem rot, bris na sapotim egriklasa program na

plantu pipel long kantri bai kisim sevis long helpim laip bilong ol.

Minista bilong Tresari, Patrick Pruaitch bai tokaut long 2015 baset bilong gavman long Novemba 18 na Tresari givim tok save pinis.

Long wankain taim Papua Niugini bai no inap kisim sevis bilong winmani i kam long LNG long neks yia bikos dispela winmani i no kam insait long baset bilong kantri yet.

Gavman i tokaut olsem winmani bilong LNG bai kam insait long 2015. Na i gat planti toktok i kamap long winmani bilong LNG bikos gavman i no kamapim yet lo bilong Sovren Welt Fan bilong manesim mani bilong LNG.

Gavman i tokaut olsem SWF bil i redi na palamen bai tok orait long menesim dispela winmani.

‘No ken kaikai buai de’ wokaton

WOKATON long rausim sik kensa long maus i bin kamap long Nesenel Kepital Distrik long Sande 2 Novemba.

Dispela wokaton i bin kamap long tingim “No ken kaikai buai De” long kamapim moa luksave long ol kensa long maus i save kamap long pasin bilong kaikai buai wantaim daka na kambang.

Pasin bilong kaikai buai em i kamap bikipela tru long kantri na em i save bagarapim lukluk bilong ol siti na taun wantaim ret-pela spet na tu long ol buai skin. Dispela em i namba tut aim long PNG i givim luksave long “No ken kaikai buai de”. Ol i bin holim namba wan taim long las yia.

Wokaton i bin stat long 6 klok moning taim long Jack Pidik Pak long 5 Mail na bihainim Borok Draiv na tainim long Hubert Murray Rot i go long Waigani tanel na i go bek gen long 4-Mail na i pinis long Jack Pidik Pak.



Lareva maket long Hohola bipo i soim kain bagarap long lukluk bilong siti taim ol lain i salim na kaikai buai. Poto: Wantok File

CS makim ol ekting menesmen

Yakam Kelo i raitim

OPIS bilong Koreksen Sevis (CS) i makim ol nupela eksekyutiv menesmen tim bilong em long dispela wik.

CS Komisina Michael Waipo i tokaut long 8-pela senia eksekyutiv menesmen tim bilong em long karimaut ol edministresen na operesen bilong CS insait long Papua Niugini long dispela taim i go long 2015.

Ol dispela posisen em olgeta i stap long ekting tasol inap tripela o 4-apela mun bihain bai olgeta pepa wok i redi na CS Dipatmen bai putim aut ol nem long niuspepa long ol senia CS opisa i ken aplai long winim ol fultaim posisen.

Mista Waipo i tok dispela em bikipela samting ol i mas mekim long lukim olsem wok na operesen bilong CS i go het long dispela taim bikos ol dispela eksekyutiv posisen i no gat pemenen o fultaim bos yet.

Tasol ol no inap larim ol wok i go bam o bungim hevi. Olsem na ol mas makim ol ekting bos lain ya long holim na ranim wanwan eksekyutiv posisen ya.

Ol dispela eksekyutiv menesmen em; Ekting Deputi Komisina Operesens – Asisten Komisina Noten Rijon Dennis K. Piandi, Ekting Asisten Komisina – Hailans Rijon Asisten Komisina Philip Eka, Ektingg Asisten Komisina Niugini Ailans Rijon Asisten Komisina David Kanumbom, Ekting Asisten Komisina Noten Rijon Sief Suprintenden Michael O. Mondia, Ekting Aisten Komisina Sauten Rijon Sief Suprintenden Henry J Wavik, Sief Supreintenden Michael J Mosiri bai holim yet posisen bilong em olsem Ekting Asisten Komisina Pesenel, Fainens na Edministresen, Asisten Komisina Stephen Pokaninis DCS bai holim yet posisen bilongg em olsem Asisten Komisina Polisi, Plening na Iveluesen na Ekting Deputi Komisina Kopret Afeas na Sinia Inspekta Philip Sanata bai ekting olsem Sinia Operesens Opisa.

Komisina Waipo na menesmen bilong em bai wok klostu wantaim opis bilong Dipatmen ov Pesenel Menesmen (DPM) long stretim olgeta pepa wok long kamapim posisen veken bai olgeta lain ken aplai long kisim fultaim posisen long neks yia. Sampela bilong ol dispela ekting posisen bin stap long-pela taim i kam.



CS Komisina Michael Waipo wantaim ol ekting eksekyutiv menesmen tim bilong em. *Poto: Yakam Kelo*

grow↑ business

"A BSP Smart Business Loan helped my small home operation rise to become a Smarter Business."

Ginia Siaguru
Business Owner of Tapioca Delight

320 1212 / 7030 1212 - 24/7

servicebsp@bsp.com.pg

www.bsp.com.pg

Proudly supporting PNG and the Pacific



NAISPELA BILAS: Dispela liklik pikinini meri i stailim wantaim ol naispela bilas na redi long go insait long wanpela selebresen.

Ol Poto: Wantok Fail

Basil i komplenn long gavman laik rausim takis long ovasis

Stanley Nondol i raitim

Deputi oposisen lida Sam Basil i tok gavman i tok tok long groim lokal ikonomi tasol em i no yusim ol lokal risos na rausim takis long ol prodak bilong ovasis we wankain prodak ol kampani i wokim long Papua Niugini.

Dispela i kamapim bikipela resis wantaim lokal ikonomi na i no gutpela long SME na pipel bilong kantri. Em i tok ol SME long kantri i liklik na i no gat bikipela strong long resisi wantaim ol bisnis bilong ausait taim gavman i rausim takis long ol ausait prodak.

“Yumi tok tok long groim lokal ikonomi na promotim lokoal ikonomi na groim SEM long kantri long kamapim moa wok na mekim mani long sapotim ol pipel. Ttasol dispela i no kamapim gut taim gavman i rausim takis long ol prodak bilong ausait taim ol kampani i wokim wankain prodak long kantri,” Mista Basil i tok.

Mista Basil i tok em i wanbel long gavman i laik kamapim hausing skim tasol em i no wanbel long gavman i laik rausim takis bilong ol biling materiel long mekim hausing isi long ol

man i no kisim bikipela pe o nogat inap mani.

Mista Basil i tok kantri i gat inap timba long ol fores plantesin long kantri. Em i tok kantri i wokim ol nil na kapa na ol arapela samting bilong konstraksen indastri bilong wokim haus.

“Mi bin askim gavman long wanem rot ikonomi bilong kantri i ran nau na ol mani i go ausait we i no gat sevis i kam bek long kantri. Taim yumi laik rausim takis long ol kampani o bisnis ol i no stap o mekim bisnis long kantri, yumi salim sans bilong wok na mekim winmani na sapotim SEM bilong ausait kampani. Taim yumi sapotim ol SEM bilong narapela kantri, yumi daunim lokal SME na givim hevi long ikonomi bilong yumi yet,” Mista Basil i tok.

Mista Basil i tok gavman i mas luksave long eksperiens bipo we planti takis gavman i rausim long ol ausait kampani na i no gat gutpela helpim long kantri na gavman i promotim ol ovasis investa tasol long groim bisnis bilong ol.

Em i tok dispela kain pasin bilong gavman long rausim bikipela takis bilong ovasis investa i no sapotim bisnis bilong kantri. Em i

tok ol politisen na na ol pren bilong investa i save kisim ol sevis bilong ol dispela kampani long mekim ol disisen.

Gavman i tokaut olsem em bai opim dua bilong makim long larim planti ol prodak bilong ovasis kam insait long maket na i ken resis wantaim ol arapela prodak na long dispela rot gavman i bilip bai rpais bilong ol samting i kam daun na ol pipel i ken baim long liklik mani.

Tasol oposisen i tok sampela disisen bilong gavman long daunim takis aninit long polisi bilong open maket i no gutpela bikos ol ovasis prodak gavman i rausim takis em ol kampani bilong PNG i wokim long hia na kantri i ken yusim dispela long sapotim lokal kampani na SME long groim ikonomi.

Mista Basil i singaut long gavman i mas tok tok wantaim Manufektra kausil na wok klostu wantaim Teksesen Riviu Komiti long wanem rot gavman i lukluk long sapotim lokal bisnis.

Em i tok hausing projek em gutpela tasol gavman i mas baim ol biling materiel ol kampani wokim long kantri yet na i no ken kisim ovasis prodak.

NCD tokaut long buai sas

Yakam Kelo i raitim

SAS bilong salim buai na kaikai buai insait long Mosbi siti i kam aut pinis long dispela wik long mekimsave long ol manmeri i brukim lo bilong buai tambu.

Deputi Siti Menesa na Kontrola bilong buai tambu long Mosbi, Honk Kiap, i mekim bikipela pablik tok-save long pablik i ken luk-save long dispela lo bilong buai tambu na ol sas bilong brukim buai tambu lo.

Mista Kiap i tokaut ol rot o trenspot we buai save kam long en na kamap long Mosbi i mas kisim save nau long ol sas bilong peim sapos polis na ol NCDC sekyuriti i holim ol.

Olgeta pablik manmeri, ol PMV na ol pablik bas na teksis, ol praivet kar em ol sampela rot buai save kam long en o ol manmeri save ron long en na kaikai buai.

Ol papa bilong stua, ol kampani na gavman opis, spot eria, hos res ples, poka ples na ol arapela we ol papa bilong ol dispela banis mas kli na save gut long sas ol bai kisim sapos ol lain salim buai o kaikai buai long ol dispela eria.

Buai Kontrol Lo 2013 i stap yet na ol lo man bai strongim yet dispela buai tambu long wanem kain taim ol i makim. Dispela em bilong toksave long yu long yu mas bihainim gut ol lo

bilong tambu long buai na sapos no gat bai yu kisim mekimsave bihainim dispela lo.

Dispela toksave i go olsem sapos wanpela man o meri o opis i brukim dispela lo aninit long Buai Kontrol Lo we ol salim lus buai, holisel buai maket, spetim buai o tromoi buai skin o mit long rot o long kar, taim kar i stop o ron long pablik ples em, ol i brukim dsipela lo.


Sas o mekimsave nau i sanap olsem; K500 sas long papa bilong kar, dingi, kanu o wanem kain trenspot ol i yusim long haitim na karim buai i kam insait long Mosbi, K1,000 sas long ol kampani o manmeri i

ranim balus o sip kampani we i karim buai kam insait o go aut long Mosbi na i nogat tok orait em brukim lo. K5000 long ol wok manmeri, visita o husat arapela i salim o kaikai buai long eria bilong ol yet em ol i bruikim lo.

Bai i gat sekap long olgeta pablik eria, ol balus na sip kampani na ol bisnis eria long ol mas save long buai tambu lo i stap pinis na ol mas bihainim, Mista Kiap i tokaut.

Gavana bilong NCD Powes Parkop bin tokaut pinis olsem buai tambu lo i stap yet na ol bai wok isi isi long en go inap long nupela senis we olgeta buai sela mas gat laisens bilong salim buai.

Dispela buai laisens i stap yet na bai NCD i tokaut long en bihain taim.



GGP projek bilong Japan helpim planti rurel skul

...Tromoim K40 milien insait long 26 krismas

OL pipel bilong Posulim komyuniti long Mendi, Sauten Hailans bai kisim gutpela helpim long ol pikinini i ken sindaun gut na skul na dispela i kamap wantaim nupela tupela nupela klasrum biling blok ol i bin opim tude.

Ol sumatin, tisa na komyuniti long Posilum Praimeri skul eria i bin kamap long seremoni long opim tupela wanpela stori blok klasrum na opis biling ol i bin sanapim wantaim K250,000 gren mani i kam long Grant Assistance for Grassroots Human security Projects (GGP) em gavman bilong Japan i givim.

Embaseda bilong Japan long

PNG, Morio Matsumoto long opening seremoni i bin tokim ol sumatin na komyuniti long helpim bilong Japan i soim sapot na komitmen (bilong Japan) long wok bung wantaim gavman na pipel bilong PNG long kamapim gut ol infrastraksa long dispela kantri.

Em bin tok bilip bilong en em dispela projek bai skruim na strongim wok patna na pren namel long tupela kantri we i bin stat long taim PNG i kisim independens klostu 40 krismas i go pinis.

Pastaim, ol sumatin i save skul long ol bus metriel biling klasrum, tasol wantaim ol dispela tupela wanpela stori pemenen biling

klasrum na opis, moa sumatin bai sindaun na kisim gut skul.

Mun Septemba na Oktoba na i kam i nap nau i lukim sampela skul long kantri i kisim gutpela helpim long ol nupela klasrum, desk na opis biling ol i sanapim wantaim mani helpim bilong gavman na pipel bilong Japan.

Kil Praimeri skul long Madang provins tu i bin opim tripela nupela wanpela tu blok klasrum ol i bin sanapim wantaim manimak long K206,484.

Wankain tu long Kawai Praimeri skul long Atonomas Rijon bilong Bogenvil we komyuniti na ol sumatin long ples Koromaketo i bin

lukim saining bilong bildim ol nupela klasrum na haus tisa long mun Septemba.

Long taim bilong saining seremoni, Embaseda Matsumoto i bin tok edukesen i gat bikipela wok long ol wok developmen bilong kantri, famili, komyuniti na ol wan wan man yet.

“Mi luksave olsem PNG gavman i wok wantaim Atonomas Gavman bilong Bogenvil long kamapim gut ol besik sevis olsem prairiti long developim humen risos developmen long rijon. Na gavman bilong Japan i stap sambai long givim sapot,” Embaseda Matsumoto i bin tok.

Japan i wanpela long ol bikipela

dona long opisel developmen helpim i kam long PNG. Em i bin lonsim GGP long 1989 wantaim as tingting long daunim poveti o pasin tarangu na helpim ol komyuniti i go insait long ol grasrut wok. GGP i kontribut long strongim ol pipel taim ol i impruvim ol edukesen na laip skil, em taget bilong Visin 2050 bilong PNG gavman.

I kam inap nau, 268 projek em fanding bilong GGP i go hetim aninit long ol NGO, ol lokal gavman na ol arapela non profit ogenais-esen i karamapim ol haus sik na ol skul.

Totol gren projek mani we GGP i givim aut pinis long PNG em K40 milien.

Foapela rurel komyuniti kisim helpim long EU

FOAPELA rurel ples long kantri i kisim manimak long K485,000 long Yuropien Yunien (EU) long dispela yia long sapotim

Ol ples developmen plen bilong ol.

Em ol ples olsem Sibalai long Milen Be, Musendai long Is Sepik, Trolga long Westen Hailans na Domil long Ji-waka.

Sibalai, Trolga na Domil i kisim pinis ol namba wan hap mani taim Musendai bai kisim bilong em long dispela mun.

Ol gren i hap long mani we EU i givim long strongim ol wok bilong Milenium Developmen Gols (MDG) projek long PNG. EU i givim fanding i abrusim K3 milien na Yunaitet Nesens Developmen

Progam (UNDP) i save go hetim.

As tingting long dispela projek em long helpim gavman bilong PNG long inapim ol MDG long lokal level.

Kodineta bilong UNDP long PNG, Troy Trivedy i tok UN i amamas long wok wantaim ol pipel long lokal level wantaim ol provinsel atoriti na givim dairek sapot i go long ol komyuniti.

“Wan wan long dispela 4-pela komyuniti i gat ol komitmen insait long komyuniti long developmen wok.

Na hatwok na laik bilong ol long lukim na kamapim ol gutpela senis i gutpela samting bilog serim,” Mista Trivedy i tok.

“Mipela i amamas long sapotim ol dispela komyuniti we i soim olsem ol i

ken wokim samting long kamapim senis, maski ol salens i stap,” Mista Trivedy i tok.

Dispela projek i kamap long taim PNG i wok long lukim bikipela mani long ol maining, wel na ges bisnis, tasol ol pipel long ol rurel eria i no lukim tumas gutpela senis lonf sindaun na laip bilong ol.

Samting olsem 5,000 pipel bai kisim gutpela helpim long ol projek, na ol i ken lukim gutpela helpim na senis long laip na sindaun bilong ol, Embaseda bilong EU long PNG, Martin Dihm i tok.

Ol projek we dispela fanding bai sapotim em long egrikjalsa, rot, helt, wara na ol toilet samting.



Ol pikinini bilong ples Mosiaha long Milen Be i amamas long klin-pela wara saplai ol i bin bildim aninit long lidasip bilong ol Sibalai pipel. *Poto: UNDP Midia*

Olgeta Pikinini i mas gat namba

‘PIKININI i mas kamap taim papa na mama i laikim long kamapim, na em i no ken kamap nating na i no gat plen long em i kamap,’ na olgeta pipel i mas gat namba.

Dispela tok em i bikipela tingting bilong wanpela Riprodaktiv Helt Edvokesi Miting i kamap long Morobe Provinsel Edministresen Helt Divisen long Lae las wik.

Dispela bikipela Edvokesi miting i kamap long stretim sampela hevi bilong ol mama i save dai long taim bilong karim pikinini na long givim gutpela tingting long ol memba bilong palamen long sapotim riprodaktiv helt wok insait long Morobe Provins. Na ol namba wan lain Yunaitet Nesens i gat save long dispela, Yunaitet Nesens Populesen Fan (UNFPA) i

bin go pas long holim dispela miting, wantaim sapot ol i kisim i kam long Nesenel Diaptmen bilong Helt na Morobe Provinsel Edministresen Divisen bilong Helt. Ol lain i kam long miting em ol memba bilong non-gavamen ogenaísesen, provinsel edministresen na long makim lokal na nesenel gavman memba, em Deputi Lida bilong Oposisen na Sedo Minista bilong Nesenel Plening na Treseri, Sam Basil i bin stap.

Mak bilong ol mama i save dai long taim bilong karim insait long Papua Niugini em i stap antap tru long wol. Helt Sevis i tok long 2006, i bin gat 733 mama i save dai long olgeta 100,000 husat i save go long kairim bebi. Na ol hevi we i save kamapim

dai bilong ol mama, em i gat rot long stopim tasol long kantri em yumi i no gat gutpela sevis we bai helpim.

Ol mama i save dai long kain hevi olsem, lusim planti blut long taim bilong karim, o ol i kisim binatang no gut long taim ol i karim long ol ples i no klin na i no gat gutpela wara, hai blut presa, o long taim bebi i no slip gut long bel na kamaut. Planti i save dai wantaim bikipela pret, pilim bikipela pen tasol ol i stap longwe tru long kisim wanpela gutpela helpim. Na dai i kamap olsem rot bilong kisim malolo long pen.

Miting i tokaut tu olsem, ol marit manmeri i no gat gutpela skul na toksave long kisim ol sevis bilong seksual na riprodaktiv helt olsem

famili plening sevis, long ori ken save long menesim famili bilong ol na long mekim plen bilong kamapim pikinini long rait taim na rait namba.

Long dispela as tingting tasol, em Provinsel Riprodaktiv Helt Edvokesi Miting i kamap long luksave na tokaut long ol nid i stapyet long stretim matenel na seksual na riprodaktiv helt sevis insait long kantri, na tu long Morobe Provins.

“Edvokesi em i wanpela namba wan rot bilong senisim ol polisi, na i mas gat pletfom bilong ol Provinsel Memba na NGO long toktok wantaim Nesenel Diptmen bilong Helt. I no gat wanpela meri i mas dai long taim bilong karim bebi. Sapos wok bilong edvokesi i

go het yet long helpim ol meri i stap long ples i longwe tru, mipela bilip bai sampela gutpela senis i ken kamap,” Dokta Gilbert Hiawalyer, Deputi Representativ bilong UNFPA long PNG i tok.

Sapos gavman i putim moa mani long seksual na riprodaktiv helt na autim tok yet long rait na nid bilong ol man na meri husat i stap yet long mak bilong karim pikinini, em bai helpim helt bilong populesen bilong Papua Niugini long bihain taim.

Ol dispela lain husat i bin bung long miting bai wok strong long bringim moa mani i kam insait long bringim sevis na senisim ol nesenel polisi na mekim wok helpim ol man na meri i tingting gut na plenim ol bebi



Hon. Sam Basil, Deputi Lida bilong Oposisen na Sedo Minista bilong Nesenel Plening, Distrik Developmen, Helt na HIV/AIDS na Memba bilong Bulolo, i toktok long taim bilong miting.

long kamap long gutpela seif haus sik, na ol i no ken kamapim bebi nating.

Helti viles long Sepik

IS SEPIK Provins i go pas long Helt Promosen bilong Helti Viles aninit long Helti Ailan Program.

Ples Amaring long Yakrumbok Wod 19 bilong Drekkier LLG, Ambunti/Drekkier Distrik, i kamap namba 2 ples insait long kantri long kisim namba olsem wanpela “Helti Viles” long Oktoba 22.

Helti Ailan program i bin stat long Yakrumbok ples long 2006 wantaim Saut Sis Evanjelikol Sios Helt Sevis (SSEC), wanpela ejensi bilong PNG Kristen Helt Sevis wantaim bikipela tingting bilong kamapim ol Ki Risal Eria 7 bilong Nesenel Helt Plen em bilong, ‘Promotim Helti Laipstail’.

Long las wik, moa long 500 pipel bilong Amaring na ol ples i stap klostu i kamap long welkamim ol opisel i kam long SSEC Helt Sevis, PNG Kristen Helt Sevis, Is Sepk Provinsel Helt na Drekkier LLG long tokaut oslem Amaring em i wanpela “Helti Viles”.

Opisa i lukautim Yakrumbok Sab-Helt Senta, Benedict Melawor i tok, “Pastaim long Helti Ailan Program i kam insait long hia, i save gat 300-400 siklain i sanap

long lain long helt senta olgeta de wantiam sik pekpek wara, kus, sik sotwin, malaria na ol arapela sik. Tasol taim mipela i statim dispela program, bikipela senis tru i kamap na namba bilong ol siklain long helt senta i go daun.”

Yakrumbok Sab-Helt Senta i save lukautim 17,000 pipel insait long 18 viles bilong Drekkier sab-distrik. Helti Ailan Program ii kamap long 9-pela bilong ol 18 ples.

Em i tok moa olsem i gat bikipela senis tu i kamap long ol kain sik manmeri na pikinini i save kisim, long taim Helti Ailan Program na nau ol pipel yet i holim pas long dispela program na i mekim wok long en.

Presiden bilong Drekkier LLG, Paul Mathias Nahumbor i givim K1,700 long ol i holim dispela luksave seremoni bilong tokaut long wina, na tu Drekkier LLG bai save givim K20,000 olgeta yia long SSEC Helt Sevis bilong Helt Promosen projek olsem Helti Ailan Program.

Mista Nahumbor i tok amamas long Yamkrumbok komyuniti, na i tok olsem taim ol i wok bung wantaim

na senisim ol pasin no gut na tingting bilong ol bai kamapim gutpela sindaun long bihain taim.

David Sela, SSEC Helt Menesa i tok, taim ol i bin statim Helti Ailan program, insait long 186 ples stat long 2006, planti ples i no kam insait gut tumas tasol em i amamas long Amaring ples i bin wok hat tru long kamap model helt viles.

Em i givim salens long ol narapela ples long mekim wankain long ol komyuniti bilong ol.

“Sapos yumi sindaun nating bai i no gat samting i kamap. Yumi mas wok bung wantaim long mekim samting i kamap,” em i tok.

Amaring viles i kisim olgeta mak long stap helti olsem: gutpela toilet, gutpela seif wara bilong dring i stap, klinpela ples, i gat hap we i no gat smuk i stap, gutpela hul bilong tromoi pipia i stap, ol gaden i gat gutpela kumu, ol enimal i stap insait long banis na ol pikinini i kisim banis sut na marasin, na olgeta pikinini inap long go skul em ol i go long skul. I gat gutpela wok bung wantam long sios na ol lain bilong karimaut lo insait long komyuniti i stap.

Ripablik bilong Korea helpim PNG helt sekta

MINISTA bilong Helt na HIV/AIDs nau i kamapim pinis wanpela Memorandum ov Andastending (MOU) wantaim Ministri bilong Helt na Welfea long Ripablik bilong Korea, bilong strongim ol nupela senis long kisim helt sevis i go aut long PNG.

“Dispela MOU ol i sainim i kamapim nupela taim bilong wok bung wantaim tupela kantri bilong yumi long wok bilong helt kea na medikal saiens,” Michale Malabag, Minista bilong Helt na HIV, i tok.

Mista Malabag i bin sainim dispela MOU bihain long em i pinis long namba 65 konpens bilong Wol Helt Ogenaísesen Rijonal Komiti bilong Westen Pasifik forum ol i bin holim long Manila, Filipins long de 13 i go 17 bilong Oktoba.

Ol i bin sanim MOU long long Oktoba 20, 2014. Aninit long dispela pepa wok

i stat pinis long luksave long ol praioriti eria bilong pablik helt polisi, helt wokfos developmen, pablik helt menesmen, sevis deliveri, drag na helt kea teknoloji na long bihainim gut monitoring program na intenesenel bes praktis reguletori komplaiens.

Long lukluk bilong hevi i save kamap long klaimet i senis, tupela kantri bai wok bung wantaim long mekim wok long envaironmen helt na tu long luksave long marasin bilong ples na ol narapela samting i gutpela long tupela kantri wantaim.

Mista Malabag i amamas long tok olsem, “PNG na Ripablik bilong Korea bai wok bung long planti samting olsem senisim ol infomesen woklain, bringim ol trening program, wokim ol join projek long kamapim gutpela rot long ol pipel i kisim sevis.”

Em i tok olsem Ripablik bilong Korea i gat wanpela namba wan helt kea sistem bikos long developmen i kamap kwiktaim long kantri bilong ol, na olgeta populesen bilong ol i save kisim gutpela helt kea stret we i no save kos bikipela mani. Ol yet i kamapim teknoloji we ol i yusim pastaim long ol i salim long narapela kantri, na ol i gat planti kain save manmeri, na tu ol gutpela marasin i stap.

PNG helt sekta nau i ken kisim gutpela samting long Ripablik bilong Korea.

“Helt Sekta bilong yumi i bungim bikipela salens nau. Yumi sot tru long wokman meri na yumi hat long helpim olgeta populesen bilong yumi bikos i no gat gutpela rot o sistem long mekim dispela. Pasin bilong baim na bringim marasin i go long ol ples i hat yet.” Mista Malabag i tok.



CHS Helt Promosen Kodineta Nickson Samblap (raithan) makim Kristen Helt Sevis PNG na i givim gras kata i go long Amaring komyuniti.



Ol lain long ples Amaring i wokim singsing tumbuna long selebretim dispela de.



**Yut, Meri
na Famili**

**Pastor
Barbara Lunge**

God i makim Debora olsem lida bilong Israel

GOD i no save wari long lida em i man o meri, taim em i kisim tok orait na atoriti long em long lukautim ol pipel.

Deborah em i wanpela meri husat i bin holim bikipela wok tru i gat atoriti i winim olgeta meri long baibel.

Em i bin lukautim ol pipel bilong God wantaim bel bilong mama na wantaim strong bilong wanpela soldia.

“Debora, ol Israel i no mekim wanpela samting. Ol i stap nating inap long taim yu kamap. Na yu olsem wanpela mama bilong lukautim ol.” Hetman 5:7 “Na Deborah i bekim tok olsem, ‘Orait bai mi wantaim yu na bai yu winim pait. Tasol bai yu no inap kisim biknem, long wanem, Bikipela bai givim Sisera long han bilong wanpela meri.’ Orait Debora i kirap na i go wantaim Barak long taun Kedes” Hetman 4: 9

Ol pikinini bilong Israel i save putim bilip long Debora, save bilong em long wok i save givim spes long em long ai bilong ol man. “Save bilong man i save mekim ol lain i gat luksve long em na em i ken sanap long ai bilong ol bikipela man.” Gutpela Sindaun 18:16.

Debora i no go na painim kain kain rot long mekim wok bilong em olsem wanpela lida, tasol em i gat gutpela tingting i save bringim ol pipel i kam long en. Em i save sindaun tasol aninit long wanpela limbum diwai na bekim ol askim bilong ol pipel na kamapim pasin wanbel namel long ol lain i gat kros long ol yet, na long ol husat i kisim hevi long han bilong King Jabin bilong Kenan.

Debora i gat presen bilong kamap lida wankain olsem olgeta lain husat i kamap lida long olgeta taim. Em i gat gutpela pasin bilong harim toktok na strongpela tingting long harim na bihainim maus bilong God. Taim bikipela pait i kamap wantiam king Jabin, em i salim tok long Barak i kam long em na em i tokim em long tingting promis bilong God.

“God Bikipela bilong yumi, i laik givim yu dispela tok, ‘Yu go na kisim 10,000 man long lain bilong Naptali na long lain bilong Sebulun na bungim ol long maunten Tabor.... Bai mi Bikipela, mi bringim Sisera, namba wan opisa bilong ami bilong King Jabin, i kam pait long yupela long wara Kison. Em bai i kam wantaim ol karis na ol soldia bilong em, tasol maski, bai mi givim ol long han bilong yupela.” Hetman 4:6-7 Barak i les long go pait em yet. Em i laikim Debora long go wantaim em. Olsem na Debora i go wantaim Barak na amamas long bihainim strateji bilong God long winim pait.

“Debora i tokim Barak olsem, Goan, yumi go. Bikipela i go pas long yu. Olsem na long dispela de bai Bikipela i helpim yu na bai yu winim Sisera.” Na Barak i kisim dispela 10,000 man na ol i lusim maunten Tabor na i go daun. Taim Barak i kamap wantaim ol ami bilong en na ol i kirapim pait, Bikipela i mekim Sisera wantaim olgeta karis na man bilong en i longlong nabaut. Na Sisera i lusim karis bilong en na i ronawe i go.” Hetman 4:14-15.

Tenkyu long lidasip bilong Debora na Israel i winim pait na i lusim kalabus bilong gavman bilong Jabin.

Larim God i ken kirapim ol meri tude wantaim nek bilong profet, gutpela tingting na strongpela bel olsem Debora.

“Yu go pas, Debora, yu go pas. Yu go pas na singim wanpela song. Na yu go pas, Barak, pikinini bilong Abinoam. Yu kirap na wokabaut. Yu kisim ol kalabusman i go.” Hetman 5:12

Toksave: Ol mama i gat wari, tingting planti, bel hevi yu mas kontekim mi na bai mi helpim yu. Kisim mi long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com

Biknem ragbi pilaia sapotim ol meri long pilai spot

OL BIKNEM RAGBI lig pilaia bilong Australia na Papua Niugini i bin holim wanpela kosa masta klas long helpim ol PNG Raggianas bilong soim sapot bilong ol long ol yangpela meri na ol mama long PNG, long strongim pasin bilong pilai spot long kantri.

Dispela i bin kamap long Kokopo pastaim long Prait Ministia XIII pilai ragbi i bin kamap long Kokopo long las mun.

Ol pilaia na ol kosa long tupela tim i bin soim pawa bilong pilai spot long givim strong long ol bikipela meri na yangpela gel na tu, long mekim ol

man i luksave olsem ol i mas sapotim jenda ikwaliti.

Moa long 150 pikinini meri i bin stap insait long wanpela klinik kosing long soim ol gutpela samting long helt sait taim ol i pilai spot. Ol i bin holim wanpela kosa masta klas tu bilong ol meri long PNG wimen ragbi lig nesenel tim.

Ol dispela spot kosing klinik i kamap long makim Intenesenel De bilong ol Pikinini Gel, we ol UN i makim long Oktoba 11, long luksave long rait bilong ol pikinini gel na wanem kain ol salens ol i save gat long laip bilong ol long dispela graun.

Australia PM XIII kosa, Tim Sheens na Laurie Daley, i bin givim ‘Wimen in Lig’ 500 futbol bal i go long ol PNG Raggianas skwad. Nesenel Ragbi Lig (NRL) i bin donetim dispela ol bai go long Papua Niugini Ragbi Futbol Lig (PNGRFL), na ol bai tilim ol i go long ol wimen lig long olgeta hap bilong kantri.

Dairekta bilong ol Wimen Ragbi Lig Program bilong PNGRFL, Wendy Kohun, i tok: “Dispela helpim i kam long rait taim stret long program bilong mipela long taim mipela i rolim aut dispela program long ol rijon. Mipela i laik bihainim

mak bilong mipela long kisim moa meri i kam insait long pilai spot, olsem wanpela rot bilong lusim tingting long ol hevi ol i save bungim insait long kantri.”

Kosing masta klas i bin kamap long Kalabond Oval na ol i autim ol topik i lukluk long pialia bilong wan wan spot meri, wok bung wantaim olsem wanpela grup na long kamapim gut ol staksa bilong ol meri ragbi lig insait long PNG long sapotim sastenebiliti bilong dispela gem. PNG Raggianas i bai pilai tu long taim bilong Prait Ministia XIII resis long Oktoba.

Yangpela meri salim pis

James G. Kila i raitim

PLANTI lain i aigris tru long tripela traipela pis wanpela yangpela meri Yabob, ples klostu long Madang taun i bringim long salim long Ramu NiCo (MCC) mes long Madang.

Dispela meri nem bilong em

Elizabeth i stori olsem ol lain bilong em i pulim dispela tripela traipela ‘red empera’ pis ausait long solwara klostu long Mareg Ailan arere long Yabob viles long Madang taun. Planti ol lain mama na ol lain bilong hukum pis i save karim ol pis i go salim long mes bilong Ramu NiCo (MCC) we ol lain i

save baim na kukim bilong ol wok lain bilong ol.

Tripela wokmeri bilong Ramu NiCo (MCC) long poto Lovelyn, Sheila na Doreen i aigris tru long dispela tripela traipela ‘red empera’ pis na apim ol pis ya long kisim poto.

Sampela ol lain tu i mangal na sanap long sait na daunim

spet stret long lukim ol dispela traipela pis bilong Mareg Ailan. Ol lain i lukim dispela tripela retpela pis na tingim tasol olsem ating em bai nais tru long wokim gutpela sup wantaim gris blong kokonas na lombo na kawawar na tomato na tru tumas olgeta samting bai go orait olgeta.



Elizabeth long hansut i sanap holim wanpela pis wantaim tripela wokmeri bilong Ramu NiCo MCC long kisim poto.

Jenda bes vailens woksop kamap long 11-pela provins

GAVMAN bilong Papua Niugini, Australia Dipatmen bilong Foren Afeas na Treid na Yunaitet Nesens Developmen Program (UNDP) i kamapim wanpela nupela kain woksop stail long pinisim tru jenda-bes vailens, we i save bagarapim planti meri long kantri.

Vailens egensim ol meri i kamap bikipela tru long Papua Niugini we namel long tripela meri, tupela bai i bungim dispela hevi bilong vailens. Ol

meri i no gat wankain sans olsem ol man long kisim edukesen o helt sevis na i no gat maus long olgeta level bilong gavman.

As bilong kamapim dispela woksop em long bungim olgeta stekholda long ol provins na helpim ol long kirapim wok bilong stopim ol jenda bes vailens, helpim ol lain i bungim dispela hevi, helpim ol long kisim helpim bilong lo na kamapim gutpela rot bilong skelim sapos ol dispela

sevis i wok gut.

Dispela program i bihainim ol gutpela wok i kamapim long strongim rait bilong ol meri long Papua Niugini, moa yet bihain long Palamen i tok orait long lo bilong Famili Proteksen long 2013. Dispela lo em ol han bilong Yunaitet Nesen na sampela arapela patna i sapotim, i mekim domestik vailens wanpela kriminal ekt na sapos ol i ripot bai polis i ken kotim husat lain i kamapim

dispela hevi.

Famili Proteksen Lo i kamap lo nau, tasol i mas gat moa wok i kamap long stopim dispela pasin bilong domestik vailens ol meri i save bungim. I mas gat moa trening long ol ki pipel, ol lain i givim sevis bilong helpim ol meri long lokal na distrik na provinsal na nesenel level. Olgeta dispela lain i mas klia long jenda bes vailens na i mas gat rot bilong helpim na stopim dispela pasin.

NCSL bai givim dinau long baim sevis bilong hausik - PIH

NASFAN Kontributa Seavings na Lon Sosaiti (NCSL) nau bai i ken givim dinau long ol memba bilong en husat i sik na i laik kisim sekap long Pasifik Intenesenel Haus (PIH) sik wantaim tripela kain diskaun.

Memba i ken kisim diskaun long sekap, medikol sevis na tritmen o kisim marasin.

Memba bilon NCSL i bai kisim diskaun taim emi i dinau lo NCSL long kisim sek up lo PIH. Memba i ken kisim sek up pas na bihain gim bek dinau lo NCSL isi isi.

Richard Leka, Memba Seavings na Brens Sapot Menesa bilong NCSL wantaim tupela wok meri bilong NCSL i bin stap long PIH long tokaut long dispela sevis long ol memba bilong NCSL.

Dispela sevis bilong kisim dinau bai i stat long Novemba 10, na em bai kam long tupela kain rot. Namba wan em long memba bai i kisim dinau inap long hamas mani em i gat long seavings na narapela em inap long kisim 2-pela taim moa long hamas seavings em i gat long NCSL akaun bilong en.

Memba i mas stap kontributa long NCSL inap long tripela mun pinis na bai em i ken kisim lon o dinau mani long baim dokta, wokim sekap long ol speselis masin o kisim marasin.

Ol memba bai kisim 10 pesen diskaun dinau taim ol i soim NCSL ID kat wantaim kwotesen bilong PIH haus sik.

Mista Leka i tok, sapos wanpela memba i laik kisim dinau long mani mak em i gat long NCSL nau em bai wet inap long tripela o 4-pela de long kisim dinau mani.

Em i tok dispela diskaun lon em i



Dokta Amyna Sultan, CEO PIH wantaim Richard Leka bilong NCSL i toktok long media *Poto: Frieda Sila Kana*

wankain olsem ol narapela valiu bek sevis ol i gat pinis long ol narapela sevis kampani na saplaia.

Dispela sevis em i bilong olgeta lain long kantri tasol em i moa klostu long ol memba husat i stap long Pot Mosbi olsem na ol siklain long Pot Mosbi i ken stat nau long aplain long dinau long NCSL long baim haus sik fi bilong ol.

Long wankain taim, Sif Eksektiv Opisa bilong PIH, Dokta Amyna Sultan i stap em i tok tenkyu tru long NCSL long kam gut wantaim dispela kain mekpas bilong helpim ol siklain insait long kantri.

"Dispela sevis bai helpim planti lain husat i save painim taim long kisim gutpela helt sevis long PIH. Planti taim ol pipel husat i gat

bikpela sik i save laik go ovasis long kisim klia tok save long sik bilong ol na tu long kisim helpim na marasin.

Planti taim ol i save mekim fan resing na askim wantok long helpim ol. PIH i hop long helpim ol sitisen bilong PNG long daunim dispela hevi," Dokta Sultan i tok.

PIH nau i amamas long tokaut olsem klostu nau nupela haus sik bilong ol long 3-mile bai redi long opim sevis bilong en wantaim olgeta bikpela masin bilong MRI na kisim tritmen.

Dokta Sultan i tok olsem aninit long Pablik Pravet Patnasip program wantaim gavman em PIH i bin aplain long tenda taim MVIL i bin putim aut dispela haus sik long

tenda na ol i winim. Dispela bai bringim ol gutpela sevis we i save kamap long ovasis nau bai kam insait long kantri. Em bai sevim mani tu long ol pipel i go ovasis long kisim marasin.

"Mipela bai i gat moa speselis long wokim hat sejeri wantaim ki hol sejeri we ol bai i no inap long katim man long stretim hat bilong ol siklain.

Insait long yia bai i gat open hat sejeri operesen olgeta taim na bai i gat Kadiiek Sejeri dokta tim long haus sik," em i tok.

"Em i tru olsem prais bilong PIH i antap liklik, tasol em i givim gutpela sevis wankain olsem bai yu kisim long ovasis.


Ol narapela haus sik i kisim sab-

sidi long gavman olsem na ol inap long givim sevis wantaim liklik prais.

Mipela tu i hop olsem bihain bain mipela i ken kisim sampela helpim i kam long gavman na bai mipela i ken givim sevis long olgeta pablik, na i no long ol lain husat i gat mani tasol," Dokta Amyna i tok.

**FREE SCREENING FOR
DIABETES
Saturday 8.00am
8 November 2014
PIH 3-Mile
Specialty Clinics
In support of Diabetic
Association of PNG.**

OPERATION OF HOPE: Send patient details by SMS to 7155-8866 if you have a relative with cleft lip and cleft palate, and want to be considered for the free surgeries from Dec 14 to 20 at the soon-to-open new Pacific International Hospital in 3-Mile Port Moresby. A team of doctors from the USA will arrive to do these free surgeries. We are trying to coordinate sponsors to help those from outside of Moresby be able to fly to Moresby for the operations. Corporates, church groups, LLGs who are regionally based and interested to help may likewise send SMS to 7155-8866 if they are interested to sponsor a patient's plane fare.



Names of regional coordinators of Operation of Hope (still open for volunteers)

Bougainville - Dr. Matthias Tovilu,
Buka - 7108 - 3889

Oro - Dr. Toau Giara, Popondetta Gen
- 7338-5140

Madang - Dr. Jimmy Aipit, Madang
- 7242-5425

East Sepik - Cletus Bon, Wewak - 7384-2955

Jiwaka - Priscilla Pius - 7179-0820

Sandaun - Dr Esther Apuahave - 7347 3828



Toktok i kam long Mel Togolo PNG Kantri Menesa



Welkam long 8 Nautilus Minerel Apdeit.

Las wik mi gat sans long stap insait long namba 2 pasim bilong Marine Science Shot Course we i bin ron long tripela wik i kam long Nago Ailan long Nu Ailan Provins. Mi amamas long lukim 23 lain bilong kos i soim ol nupela save na skils bilong ol long ranim ol mini ROV.

Dispela program em namba wan long wol long lainim ol yunivesiti student long wei bilong wokim, ranim na lukautim mini ROV insait long ol nambis o marin eria.

Dispela program em bilong kamapim save na tingting bilong wok insait long marin Science bai i gat gutpela envaromen awenes na monitoring long PNG.

Mipela i lukluk gen long wok klostu wantaim Yunivesiti ov Papua Niugini, Nesenel Fiseris Atoriti na Nu Ailan Provinsel Gavman long surukim dispela program go moa na kamapim moa guutpela program long neks yia 2015.



Marine Saiens sotpela kos, ol tisa na ol sumatin

Taim mi stap long Kavieng, mi bin gat sans tu long givim ki bilong wanpela nupela Toyota hi-ace bas mipela bin helpim long sapotim Callan Spesel Edukesen Rises Senta we Katolik Sios long Kavieng Daiosis i go pas long en. Bai dispela bas i ken karim ol studens na ol tisa long ples go kam long hap bilong senta. Callan Spesel Edukesen Senta i save helpim ol lek han o bodi bagarap pikinini long kisim gutpela edukesen.

Long stretim na kamapim gutpela helt na welfea long Wes Kos bilong Nu Ailan em bikipela wok bilong Nautilus Minerals i bin mekim wantaim Nu Ailan Provinsel Gavman (NIPG) na Nesenel Gavman. Mi amamas long tokaut olsem mipela bin pinisim wanpela pilot projek we i gat tupela hap i kisim trening long kamapim gutpela na klinpela komyuniti, wokim gutpela toilet na wanpela wara saplai we i ken givim gutpela na klinpela wara bilong dring. Rasirik ples na Labur Pramerit Skul bin stap insait long dispela program long wok bung wantaim NIPG long lukautim ol dispela pilot projek.

Mipela i amamas tru long ol komyuniti program bilong mipela na lukluk go het long karimaut ol dispela program wantaim NIPG, ol komyuniti na Gavman bilong PNG.

**Rigads
Mel Togolo**

Stori bilong Nautilus Minerals Inc.

Nautilus em i namba wan kampani long go daun aninit long solwara long painim bikipela polymetalik salfaid i stap insait long as bilong solwara na em i wok long kamapim namba wan projek long Solwara 1, insait long ol solwara bilong Papua Niugini, we em i laik kisim kopa na gol. Kampani i kisim tok orait pinis long ol envairenmen na maining pemit. Sapos yu laikim moa toksave, rait i kam long: P O Box 1161, Port Moresby, NCD o lukluk long websait bilong mipela long:

www.nautilusminerals.com / www.cares.nautilusminerals.com

Katim dinau i go daun na yusim mani gut: Barker

Stanley Nondol i raitim

BIKEPELA tok lukaut i go long gavman long katim daun ol pablik dinau na yusim mani gut long stretim ol infrastraksa sevis long sapotim egriklasa, bikos planti milien pipel bilong kantri i kisim sapot long egriklasa.

Dairekta bilong Instiut bilong Nesenel Afeas (INA), Paul Barker i tok bikipela mani gavman i tokaut long baset, tasol bikipela milien kina i go long ol planti projek we i no stap long baset na tu, gavman i gat planti dinau long bekim.

Em i tok gavman i mas lukluk na stretim ol infrastrakas olsem rot na bris long mekim isi long ol 5 milien pipel i stap long ples i ken yusim gutpela rot long i go na i kam long maket, na salim ol gaden samting bilong ol.

Nesenel gavman i putim klostu long K2 bilien na wokim planti developmen long Pot Mosbi long stretim ol ples bilong 205 Pasifi Gem na 2018 APCE miting.

Mista Baker i tok planti developmen olsem 4 len rot na ol bikipela bilding i kamap long Mosbi long pablik mani, tasol ol rot long ol planti ples long kantri i stap long mak no gut yet. Ol rot long ples i no nidim 4-pela len, tasol gavman i mas skelim mani gut na

stretim olgeta rot long kantri.

Wanpela bilong ol developmen long Mosbi em swimming pul long Tau-rama.

Mista Baker i tok gavman bai yusim olsem K10 milien long lukautim gut dispela swimming pul long wan wan yia na em bai kostim kantri bikipela milien long lukautim long ol yia i kam.

Em i tok moa olsem long sampela kantri we ol i bin holim bikipela gem olsem Komonwel Gem ol i no mentenim ol fesiliti na ol infrastraksa gavman i bildim na ol i lukim bruk daun.

Mista Barker i tok wais spending o yusim mani gut em i namba wan samting gavman i mas lukim bikos i gat planti dinau bilong gavman i stap yet na tu, gavman i mekim planti komitmen ausait long baset long ol sampela developmen i ran i go long bikipela milien kina.

Gavman i gat ol dinau olsem UBS long Exim Benk na tu US\$ 19 bilien o K30 bilien projek bilong PNG LNG projek i stap yet long bekim.

Taim gavman i laik bekim na yusim bikipela milien i no stap long baset na i putim planti mani long Pot Mosbi na Lae, em i lusim ol sevis olsem rot na bris na ol sampela infrastraksa long planti hap bilong kantri i stap bagarap yet.

SWF bil mas kamap long pablik

Stanley Nondol i raitim

SOVEREN Wel Fan (SWF) bil we gavman i tok em i redi long Palamen bai oraitim long menesim winmani bilong LNG projek i mas kamap ples klia long pablik i ken lukim na mekim toktok bipo long Palamen i kamapim lo bikos gavman i no bin menesim ol winmani gut bilong ol maining insait long kantri.

Kantri i salim LNG ges long wol maket pinis long mun Epril, tasol i no gat hap bilong menesim winmani i kam long kantri.

Dispela i lukim developa bilong PNG LNG, Exxon Mobil i menesim winmani.

Kantri i salim ges tripela taim long wan wan wik na i mekim moa long K124 milien long wan wan sipmen.

Win mani i kam bek, tasol i no gat ples bilong menesim bikos lo bilong kamapim SWF i no redi yet.

Plantit toktok i kamap long dispela, bilong wanem na gavman i no stretim SWF lo kwiktaim bipo long salim ges i go aut long kantri.

Nesenel Riset Institut (NRI) i tok olsem i gat planti as long wanem straksa na operesen bilong SWF i mas kam long pablik dibet.

NRI i tok ol winmani bilong ol risos olsem ges, gol, kopa long sampela yia pinis i no bin helpim gut laip bilong planti milien pipel bilong kantri.

Na planti manmeri i stap turangu yet.

Gavman i tokaut olsem bil bilong SWF i redi na Palamen bai oraitim long kamap loa bilong menesim LNG mani.

Tasol NRI i tok dispela bil o lo gavman i mekim i mas kamap ples klia na pablik i mas dibet bikos:

-Ol winmani bilong ol risos bilong kantri long planti yia i go pinis i no bin senisim laip bilong planti, na ol man-

meri bilong kantri i stap long turangu mak. Na bikipela lukluk i mas stap long winmani bilong LNG i mas helpim ol turangu pipel.

- LNG win mani i mas helpim maikro iekonomik strebiliti na

- Strongpela lo i mas kamap long banisim tru as tingting bilong kamapim lo bilong SWF, na straksa bilong SWF i mas kamap ples klia long rot bilong menesim ol winmani long stretpela rot bikos no gat, pasin korapsen bai kamap.

Dairekta bilong institut bilong Nesenel Afeas, Paul Baker i tok olsem em i moa gutpela long lo bilong SWF i mas kamap pastaim long kantri i salim LNG ges tasol dispela i no kamap.

Em i tok gavman i mas menesim ol mani bilong LNG long givim gutpela sevis long ol pipel i stap long ol rural ples.

Mista Baker i tok LNG em i wanpela bikipela projek long PNG na em i kisim ples bilong olgeta maining insait long kantri, na winmani bai kam insait long planti yia. Tasol bikipela samting em long gavman i mas kamap gutpela straksa long menesim, na rot bilong investim.

Na i mas luk luk long mekim invesmen long ol eria we bai helpim laip bilong ol pipel bilong kantri.

NRI i tok gavman i mas lainim long ol mani bilong bipo long ol maining eria we i lukim kantri i no bin menesim gut.

Na nau em i mas kamapim gutpela straksa na wokim lo bilong SWF long ol winmani bilong LNG, na ol arapela risos bilong yusim bihain taim long di-veopim kantri.

NRI i tok gavman i mas mekim pablik long wanem kain lo bilong SWF bai go long Palamen long pablik i ken lukim.

Torokina Katolik komyuniti bai gat ples bilong lotu

OL KATOLIK long Torokina Peris, sautwes Bogenvil nau bai gat ples bilong pre na strongim spirituel laip bilong ol, na ol i tok tenkyu i go long Operesen Renda Seif, 2014 (ORS 2014) long helpim ol.

ORS 2014 nau i wok long Torokina long rausim ol Wol Woa 2 bom i no pairap na i stap wantaim tu ol arapela samting bilong pait we i ken kamapim birua long ol pipel.

Ol savelain long dispela wok i kam long Amerika, Inglan, Nu Silan, Australia, Canada na Solomon Ailan i mekim dispela wok. Na ol i wok long helpim tu ol komyuniti long Torokina long ol sampela arapela samting we ol i gat bikpela nid long ol. Na wanpela long ol em long stretim haus lotu bilong ol.

Wanpela Katolik haus lotu i bagarap long sampela yia na taim ol ORS 2014 lain i bung wantaim ol komyuniti lida bilong Torokina, ol lida i bin toktok long helpim bilong ol ORS 2014 long stretim haus lotu we i bagarap long

sampela yia nau.

Tasol pastaim ol i statim wok, ol i bin kliaim ples long ol hap ain na ol arapela pipia i pundaun i stap long eria.

Ol lain Marin teknisen long sip HMAS Choules i bin laik mekim dispela wok. Man i go pas long grup, Jason Chamberlain i tok olgeta lain bilong em i bin sambai na redi tasol long helpim long mekim wok.

“Mipela i stretim lain bilong mipela na kisim ol samting wok i kamaut long sip i go long ples na statim wok long katim na rausim ol ain long ples we sios i bin sanap long en.

“Ol pipel long dispela ples i laikim tawa antap long sios bilding na ston alta i mas stap, na mipela i mekim dispela,” Bos bilong grup em Simen Chamberlain i tok.

Ol bin givim ol tripela de long mekim dispela wok, tasol tim i pinisim long tupela de.

Mista Chamberlain i tok nau ol i brumim konkrit o simen hap, stretim na penim

sios belo frem na bikpela kruse i stap long fran bilong haus lotu.

Em i tok planti bilong ol i bin stap na wok long Manus na helpim ol komyuniti long ol komyuniti wok, tasol ples i bin tuhat moa, skelim wantaim Bogenvil.

Em i tok bikpela salens i stap na ol i mas dringim planti wara long daunim tuhat.

Em i tok ol i amamas long helpim ol pipel bikos em i no gutpela long go long hap na na sanap lukluk i go aut long sip tasol.

“Mipela i no wari sapos ples i tuhat, tasol no gat narapela taim gen mipela bai kam hia na i moabeta long helpim pipel nau long ol samting ol i laikim stret,” Mista Chamberlain i tok.

Ami bilong Australia i go pas long ORS 2014 we i hap bilong lukim olsem ol pipel bilong Pasifik i gat gutpela sindaun taim operesen i rausim ol bom na birua samting bilong Wol Wo 1.



PENIM BELO: Tupela lain bilong sip, HMAS Choules, i penim belo bilong sios long helpim komyuniti aninit long ORS 2014 long Torokina, sautwes Bogenvil.

Ol gaden kaikai bilong yumi yet i gutpela ...Prosesim long yusim long bihain taim

Veronica Hatutasi i raitim

PNG i gat planti kaikai bilong yumi yet we yumi ken prosesim, putim gut na yusim long ol taim i kam.

Sister Louisa Miugle, wanpela SSPS Katolik Sis-

ter i tok olsem taim em i stori wantaim dispela ripota i no long taim i go pinis.

Sister Louisa i save skulim ol mama, ol yangpela meri na ol yut long bek, kuk na samap long Minj, Jiwaka Provins.

“Mi save skulim ol meri na yut long “blending o miksim na preservim o putim gut long yusim bihain,” Sister Louisa i tok.

Em i tok ol kaikai long ol gaden bilong yumi yet long PNG olsem kaukau, ba-

nana na tapioka em i lainim ol meri na yangpela long wokim plawa pauda long en na yusim long ol taim i kam.

Em i tok yumi gat ol planti gutpela samting na sapos yumi lainim rot long mekim

ol i ken stap long yusim long ol taim i kam, em bai gutpela na yumi ken sevim mani tu long ol plawa samting ol i save salim long stua.

Tu, dispela em ol pres kaikai bilong yumi yet we

yumi kisim stret long gaden.

Em i strongim ol mama na ol yut long lukaut long ol kain sans na go long ol kos sapos ol i kamap long ol wan wan peris o daiosis bilong ol.

Kos i opim ai ...Lainim planti samting long kriesen na man

Veronica Hatutasi i raitim

OL KATOLIK Sister long PNG na Solomon Ailan i save kam na wokim ol sotpela kos long Xavier Institut long Bomana long 6-pela mun na wanpela yia, bilong strongim save bilong ol long karimaut ol spirituel, pastorel, wok marimari na sosel wok insait long ol peris, skul, haus sik na komyuniti.

I no long taim i go pinis, dispela ripota i bin bungim tupela Sister long Katolik Tiolojikel Institut (CTI) Bomana ausait long Pot Mosbi na kisim ol toktok na tingting long skul bilong ol long Xavier Institut.

Sister Louisa Miugle SSPS i bilong Minj long Jiwaka Provins.

Em i save wok long eria bilong Skils Trening long ol meri na yut long daisis bilong em long beking, kuk na samap.

Tasol dispela kos we mak long 16 Sister bilong ol wan wan kongrigesen i kam long tupela kantri, PNG na Solomon Ailan, i sindaun long en em Spirituel Rinyuwel kos we i bin stat long Julai 14 na pinis long Oktoba 10, em Sister Louisa na poro bilong em bilong Solomon Ailan i bin sindaun long en.

Narapela em Sister Catherine Peter OP na em i hapkas Bogenvil na Sotlen Ailan long Westen Solomon Ailan.

Em i wok olsem nes long Sen Joseph's Nesenel Hai skul Tenaru long Guadal-



XAVIER INSTITUT KOS: Sister Louisa na Sister Catherine i stori wantaim Wantok ripota long Spirituel Rinyuwel kos. *Poto: Veronica Hatutasi*

cana, Solomon Ailan.

Em bin wok olsem nes long 10-pela yia tu long Nila, Sotlen Ailan bipo em i go wok long Tenaru.

Sister Louisa i tok wanpela sabjek eria we ol i kisim long dispela Spirituel Rinyuwel kos na em i opim ai na tingting em Theology of Human

Life.

“Dispela topik i karamapim kriesen na yunives, na em i opim tingting long humen developmen, na rot long komyuniket na stap wantaim na namel long ol samting Bikpela i mekim. Mi laikim stret long lainim ol nupela samting olsem na moa yet,

rot long bebi i kamap long de wan i go long 6-pela mun na mama i karim inap long wanpela yia, na em i groap na kamap yangpela inap em i bikpela man o meri.

“Long developmen bilong bebi long bel bilong mama na i karim inap pikinini i bikpela, mipela i lainim yumi

husat, ol narapela na Bikpela, watpo Bikpela i mekim mipela, go klostu long en na bihain bai yumi go bek long en.

“Ol bikpela save man dokta bilong sios i wok long ol bikpela Katolik kolis na Katolik yunivesiti long Australia i kam na givim skul long ol dispela topik long mipela. Pater Ignas em wanpela SVD pater i bin toktok long Theology of the Body.

“Ol narapela topik em “Ecology of Creation, Mother Earth we i toktok graun i wok long bungim hevi bikos long polusen na ol bagarap long envaironmen we man i kamapim, na nau graun i kikebek na yumi wok long bungim hevi.

“Kos i skulim na strongim mipela long no ken pasim maus, tasol toktok sapos mipela i lukim ol bagarap long graun na envaironmen, vailens egensim ol meri, ol yangpela gel, ol pikinini na insait long ol famili,” Sister Louisa i tok.

Fiji i no laik hari- ap na joinim gen PIF

WANPELA politikal saientis bilong Pasifick rijon i tok em i no kirap no gut long tingting bilong Fiji long no ken joinim kwik Pasifik Aslans Forum bihain long ol i bin rausim em long yia 2009.

Dr Tarcicius Tara Kabutaulaka Asosiet Profesa long School ov Pasifik na Esian stadis long Yuniversiti bilong Hawaii i mekim dispela toktok bihain long Fiji i tok em bai no nap go bek insait long Forum inap ol i lukluk gut long membasip bilong Australia na Nu Silan.

Ol i bin rausim Fiji long 2009 long wanem em i no bin bihainim tok promis long holim demokretik ileksen.

Nesenel ileksen i bin kamap long Fiji long mun i go pinis na Pasifik Islands Forum (PIF) i bin tokaut olsem ol i rausim pinis tambu ol i bin putim long Fiji.

Dokta Kabutaulaka i tok em i luksave long tingting bilong Fiji long em i no laik hariap long go bek insait long Pasifik Islands Forum.

Em i tok tu olsem, Fiji i amamas long go het wantaim Pacific Islands Development Forum we em yet i bin statim i no long taim i go pinis.

Kros namel long Fiji na Solomon Islands i stap yet

WANPELA bisnisman blong Solomon Islands it ok em i sapotim tingting bilong gavman long salim wanpla lain i go long Fiji long stretim ol wari i stap namel long ol balus kampani bilong tupela kantri.

Mathew Quan i tok dispela kros namel long Solomon Airlines na Fiji Airways i wok long kamapim hevi long ol turi,s na tu ol bisnis pipel.

Dispela tupela balus kampani i bin stopim ol sevis namel long Fiji na Solomon Islands long mun Julai na dispela kain hevi istap yet.

Ol i bin stopim ol ran bilong balus bihain long Fiji Airways i bin traim long mekim narapela ran bilong balus long ol Saturday i go long Honiara, tasol Solomon Islands i bin tok olsem dispela tingting bilong Fiji i no bihainim tok orait em i stap long displa taim.

Foapela mun bihain long oli bin stopim ol ran bilong balus namel long dispela tupela kantri, na planti pipel i wok long tok olsem, taim i kamap pinis bilong ol lida blong dispela tupla kantri long stretim dispela hevi. Tasol taim displa hevi i stap, planti pipel olsem ol turis na bisnis pipel i wok long kisim taim.

Mathew Quan i wanpela bisnisman long Honiara na tu, em i president bilong Saina asosisen na em i tok planti memba blong en i wok long painim hat long go bek long Saina long lukim ol famili bilong ol.

Na bosman bilong Green,

Turisam na diarekta bipo bilong Solomon Islands Visitors Bureau i tok dispela trabel i kamapim hevi long ol turis.

Maunten paiai kamapim hevi

MAUN Kilauea volkano i pairap na kamapim ol hatpla lava.

Mt Kilauea volkeno i bin stat long pairap na kamapim ol dispela hotpela lava stat long mun June na i go het yet tude.

Hawaii i stap long Pacific Ring of Fire wantaim ol narapela lailan olsem Japan, Filipin Papua New Guinea, Solomon Islands, Tonga, Vanuatu na planti moa.

Ol i save olsem Mt Kilauea volkeno i wanpela long ol volkeno long wol we i save pairap olgeta taim. Em i wanpela long 5-pela volkeno long Hawaii.

Dokta Tarcicius Tara Kabutaulaka, Asosiet Profesa long Skul ov Pasifik na Esian stadi long Yunivesiti bilong Hawaii, i tok dispela pairap bilong Mt Kilauea volkeno i no wankain olsem ol volkeno bilong Rabaul long PNG.

Ol Solomon Islands meri i wari long graun

OL meri long Guadalcanal Provins long Solomon Ailan i autim ol bikpela wari bilong ol long sait long graun long wanpela woksop long Honiara long dispela wik.

Ol i wari olsem ol pipel bilong Guadalcanal i bin lusim pinis hap graun bilong Provinsal gavman namel long Honiara em ol i save go malolo na bung long en.

Ol Guadalcanal meri i autim dispela wari blong ol long wanpela wokshop long sait long gutpela gavman na korapsen em Transparency Solomon Islands nau i karim aut.

Presiden bilong Guadalcanal Council of Women, Mary Bolen i tok ol lida bilong provinsal gavman bipo yet nau i bin salim aut pinis bikpela hap graun bilong provins long Honiara.

Misis Bolen i tok bikpela wari bilong ol tu em long pipel bilong Guadalcanal i wok long lusim pinis graun bilong ol long arere long boda bilong Honiara Siti.

Philip Manakako bilong Transparency Solomon Ailans itok dispela woksop i lukluk long wari bilong korapsen na ol gutpela we bilong daunim dispela wari long komuniti.

Mista Manakako i tok tu olsem ol meri i sori tru long lukim olsem ol lida bilong ol i bin salim ol graun bilong ol.

Oposisen sutim tok long O'Neill

PNG oposisen i tok Praim Minista i laik hait bihain long Polis Task Fos.

Deputi oposisen lida bilong Papua Niugini i tok tingting bilong Praim Minista, Peter O'Neill,

long kamapim wanpela Hotline long ol pipel i ken ripotim ol polis sapos ol i paitim na bagarapim ol pipel bai no nap kamapim wanpela gutpela samting.

Sam Basil i tok tingting tru bilong Praim Minista em bilong grisim ol polis long no ken lukluk tumas long ol rong em i bin kamapim.

Tasol Praim Minista i tok em i laik kirapim wanpela Polis task fos long lukluk long ol pasin no gut o brutaliti em ol polis i save mekim egensim ol pipel.

Wari bilong ol pasin no gut we ol polis i save paitim nating ol pipel, maski sapos ol i no brukim wanpela lo i wok long kamapim planti hevi na kros long Papua Niugini.

Long stat bilong dispela mun, ol i bin sutim tok long ol polis long ranim wanpela lapun mama na em i bin dai bihain long bus i bin bamim em.

Dispela wari i stap antap tu long ol hevi i kamap namel long ol polis, we sampela lain is ave sapotim Praim Minista na sampela i laik pulim kalabusim em bihainim ol toktok ol i sutim long en olsem em i mekim sampela korap pasin.

Long dispela wik, dispela wari ilong Praim Minista i go bek long ol jas i lukluk gen long em. Olsem na Mista Basil i tok dispela nupela polis task fos em PM i wok long toktok long en em bilong karamapim tasol ol rong em Praim minista i kamapim.

Dispela wari bilong ol polis i save paitim nating ol pipel i kamap bikpela moa long Pot Mosbi, stat long taim ol i bin stopim ol pipel long salim buai long siti.

Olsem na wanpela lapun mama i bin dai long wanem em i bin salim buai na ol polis i bin ranim em na bas i kilim em.

Esther Igo i memba bilong Women Arise PNG i save toktok egensim vailens long komuniti na em i tok planti i save dai long han bilong polis.

Princess Anne i lusim Vanuatu

Pikinini meri bilong Kwin bilong Inland, Prinse Anne i bin lusim Vanuatu bihain long em i stap long kantri long 4 -pela de.

As long wokabaut bilong en i go long Vanuatu em long wok bilong em olsem Presiden bilong Emerging Pacific Leaders Dialogue 2014 we ol i bin holim long tupela de.

Niusman bilong Vanuatu Broadcasting na Televisen Corporation, Samuel Tafo i tok ol yangpela deleget bilong 8-pla kantri long Pasifik olsem Australia, Nu Silan, PNG, Fiji, Nu Kaledonia, Samoa, Solomon Ailan na Vanuatu i stap insait long dispela program.

Em i tok Prinse Anne i amamas long lukim ol yangpela lida bilong Pasifik bihain taim, i lukluk insait long ol bikpela hevi long Pasifik olsem sait bilong klaimet senis.

Ol Raun Nabaut Poto:



Baset Foram i bin kamap long Nesenel Risets Institut (NRI) long las wik Fonde we planti bikman long gavman, ol bisnis komuniti na praivet sekta i bin kamap long en. Poto hia i soim Dairekta bilong Developmen Polisi Senta wantaim Australia Nesenel Yunivesiti, Profesa Stephen Howes, Kaunsela (Ikonmik) long Hai Komisina bilong Australia opis, Tony O'Dowd, Edukesen Seketeri, Dokta Michael Tapo na Hai Komisina bilong Australia, Deborah Stokes long taim bilong lonsim foram. *Poto: Australia Hai Komisina Midia*



Gavana Jenerel na Gren Sif, Sir Michael Ogio na Hai Komisina bilong Australia long PNG, Deborah Stokes i sanap toktok wantaim wanpela long tupela nupela Nesenel na Suprim Kot Jas ol i makim long las wik, Berna Joan Collier, bihain tasol ol bin mekim tok promis long Gavman Haus. *Poto: Gavman Haus GG Midia*



Australia Federel Polis (AFP) Asisten Komanda, Alan Scott, NCD Metropolitan Polis Bos, Andy Bawa na wanpela meri AFP Opisa i sanap wantaim long taim bilong opim nupela polis opis bilding long Boroko las wik. Ol bin bildim dispela nupela na gutpela opis wantaim K4 milien manimak i kam long PNG Australia Polising Patnasip. *Poto: Polis Midia Yunit*

Gavman i opim rot bilong kamapim gutpela balus sevis long kantri

Ol pipel bilong PNG i amamas long Air Niugini i tokaut long narapela balus sevis bilong em, Link. Ol balus bilong en bai flai i go long ol ples balus we Air Niugini i no save go long en nau.

Em i gutpela nius na presen Air Niugini i givim ol pipel long taim em i amamasim 41 yia bilong en long kantri. Transpot em i bikpela samting long laip bilong yumi ol manmeri. Sapos i no gat transpot bai yumi no gat rot long lusim ples na go long ol arapela ples i stap longwe. Bai yumi stap olsem ol lain i stap long kalabus.

Tude hia long PNG, planti moa pipel i pilim hevi bilong transpot sevis. We i no gat ples balus na balus sevis, we i no gat ol bris na sip i kam sua, ol pipel i pilim olsem ol i stap tarangu.

Ol i no inap long muv i go i kam na kisim sevis o helpim long stretim sindaun bilong ol long ples. Long taim bilong ol tum-buna, ol i no wari tumas bikos ol i pilim olsem ol i gat olgeta samting ol i nidim long laip bilong ol.

Tasol tude, sori tru, taim i senis na yumi mas save long wanem samting i kamap long ol narapela hap bilong kantri na long wol tu. Yumi pilim olsem yumi mas go aut na lukim wanem kain samting i kamap long ol narapela hap.

Nau Air Niugini i tokaut long dispela nupela sevis bilong en, yu amamas tu long harim olsem



nesenel gavman i givim bikpela luksave na mani i go long wok bilong stretim ol 22 ples balus long kantri.

Long dispela wik, Nesenel Eapot Kopresen (NAC) i tokaut long K130 milien kontrak bilong stretim ol ples balus long kantri. Bai ol i stretim ples balus na ol arapela wok long Vanimo, Girua na Simbu.

Bai ol i givim 9-pela trak bilong helpim wok bilong stopim paia na helpim ol pasindia long taim birua i kamap long balus, na ol arapela samting bilong mekim dispela wok na trening tu i go long Mt Hagen, Nadzab, Tokua, Wewak, Madang na Goroka ples balus.

Dispela Sivil Eviesen Developmen Invesmen Program

(CADIP) bai i karamapim 9-pela yia. Gavman i skruim ol wok bilong stretim ol ples balus na mani mak ol bai spendim long dispela program bai inap long K1.67 bilien. Em i bikpela mani tasol em i bikpela invesmen.

PNG i mas gat seif ples balus na pasin bilong lukautim ran na sekyuriti bilong ol balus na pasindia we i wankain olsem

long ol arapela kantri long wol.

Bihain long planti yia nau na nesenel gavman i luksave na givim mani i go long stretim ol ples balus we bai i seif long ol pasindia na balus kampani i mekim bisnis bilong ol.

Ol liklik balus kampani tu bai i amamas bikos aninit long narapela program ol i kolim Rural Airstrip Agency, gavman bai wok wantaim ol long stretim ol liklik ples balus we ol liklik balus i ken flai i go long en.

Longpela taim tru i no gat mani long stretim planti bilong ol dispela ples balus na planti bilong ol i pas na bus i karamapim gen.

Bikpela askim i go long gavman em long lukim olsem ol ples we i stap longwe tru na i no gat narapela rot i mas kisim helpim pastaim long ol arapela.

Long program bilong Rural Airstrip Agency, ol pipel i mas wanbel na makim ol lain bilong lukautim ples balus bipo long wok i ken stat.

Em i gutpela rot long givim risponsibiliti i go bek long ol pipel na ol yet i ken go pas long lukautim ples balus bilong ol.

Dispela i wanpela rot i op nau long helpim ol pipel i stap long ol ples longwe. Las wik long ples Tol long Is Nu Briten, ol pipel i lukim ples balus aninit long dispela program i op.

I gutpela long givim wankain sivils i go long ol narapela liklik ples balus tu long kantri tu.

Politiks yet bai makim ol pablik sevis bos

Politiks tasol bai makim ol Dipatmen het, ol CEO bilong ol gavman bisnis na ol Provin-sel Edministreta na Distrik Edministreta insait long kantri. Dispela em nupela lo O'Neill Dion Gavman i kamapim long lukim ol bosman bilong olgeta gavman opis na dipatmen i kam aninit long en we politiks tasol bai makim ol.

Olgeta lo i gat gutpela na nogut bilong em tasol taim lo i wok go longpela taim bai pipel ken luksave sapos em i gutpela lo long yumi holim na bihainim yet o em nogut lo na yumi mas rausim na senisim.

Insait long nupela senis nau em Minista bilong Pablik Sevis wantaim ol Minista bilong Dipatmen we ol i laik makim seketeri o bosman long en bai glasim na skelim ol nem pastaim long ol i kisim ol aplikesen nem i kam long opis bilong Dipatmen ov Pesenel Menesmen (DPM). Taim i ol wanbel long husat nem ol laikim long dispela Dipatmen o gavman opis o provins, orait ol bai kisim go



long palamen long kabinet i mekim las disisen na givim blesing long en.

Bipo em ol save manmeri save aplai long ol bikpela posisen long ol gavman opis orait Pablik Sevis Komisn (PSC) save kisim ol dispela nem na stretim na lukim amas nem i orait long dispela posisen. Ol bai stretim olsem tripela nem samting na givim i go long Pablik Sevis Minista we em bai kisim i go long palamen long kabinet i makim wanpela nem long kamap olsem Seketeri bilong Dipatmen o CEO bilong gavman bisnis olsem Telikom, PNG Pawa, Air Niugini na kain olsem. Wankain tu long ol Provin-sel Edministreta.

Tasol nau em bai no gat. Ol save lain ken aplai go long opis bilong Pesenel Menesmen na ol bai stretim tasol

pepa na bikpela wok tru bilong glasim na oraitim i stap long han bilong Minista bilong Pablik Sevis na ol lain Minista husat Dipatmen bilong em i laik makim Seketeri o CEO bilong ol. Long dispela sistem nau em politiks yet bai go pas long makim husat bosman ol i ting i gutpela na rait man long wok bung na sapotim gavman long karimaut ol plen na polisi bilong gavman.

Bikpela astingting bilong dispela senis em gavman laik mekim pablik sevis i mas wok stret na karimaut ol sevis bilong gavman i go long ol pipel.

Sapos ol dispela Dipatmen Het o CEO na Provin-sel Edministreta i no mekim gut wok o Minista i no amamas long wok bilong ol, Minista i gat pawa long rausim ol. Ol i gat plen bilong wok bihainim na ripot bilong wok bilong ol i mas kamap bihainim dispela plen gavman i makim. Kain olsem wok bilong ol mas gat kaikai o soim olsem ol i wok na sevis i ron gut go daun

long pipel. Sapos no gat gutpela risal bilong dispela dipatmen, Minista gat pawa long rausim na senisim dispela bosman o seketeri.

Rekot long wok bilong em bai soim sapos em bai stap yet long wok o raus long wok.

Dispela em yumi ken lukim olsem olgeta bosman bilong gavman opis na dipatmen bai wok aninit long oda na mak bilong politiks long karimaut wok.

Em i nupela sistem olsem na yumi lukim bikos planti ples bilong yumi i no save kisim gut ol bikpela gavman sevis na tu planti pablik sevens wok lain long ol provins na distrik tu i no save wok stret.

Ol i raun nabaut, slek tumas long wok, sindaun nating o lusim wok nating nating na planti wok bilong karimaut o sevim pipel i no save kamap gut. Olsem na yumi traime dispela nupela rot pas-taim. Ating dispela nupela rot i ken stikim ol pablik sevens long pret na kirap mekim wok.



Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia

Websait: www.wantokniuspewa.com

Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

TORO



BIABIA



KANAGE



SUDOKU

5	1	7	9	2	3	4	6	8
2	3	8	4	6	1	7	9	5
6	9	4	8	5	7	1	3	2
4	6	3	5	9	2	8	1	7
7	5	1	3	8	4	9	2	6
9	8	2	1	7	6	3	5	4
3	2	6	7	4	9	5	8	1
8	7	9	2	1	5	6	4	3
1	4	5	6	3	8	2	7	9

Ansa bilong las wik Sudoku # 67

	8		4					2
	6			8		5		
1		2	9				6	
2		1	5		8		3	
	9	4		3		7	2	
	3		7		9	4		1
	4				6	3		7
		6		1			5	
3				7			4	

Ansa bilong Sudoku # 68 neks isu

N	A	U	T	I	L	U	S	K	R	I	S	M	A	S	P
M	I	S	P	M	R	A	O	N	A	I	S	P	E	L	A
O	L	D	A	S	I	N	L	S	I	S	I	E	L	E	
S	P	E	T	F	E	T	D	T	A	N	K	A	N	S	A
B	I	S	O	M	A	R	E	A	J	O					
I	S	I	A	M	I	U	S	A	T	I	L	I	M	A	
B	R	A	T	M	E	F	L	E	N	N	A	I	D	S	
O	B	A	M	A	T	E	R	S	I	P	S	I	P	I	
D	I	G	I	C	E	L	I	A	B	A	S	K	A	R	I
O	N	L	E	M	R	M	I	E							
K	A	N	D	A	S	O	P	O	A	N	I	S	M		
T	E	U	N	S	F	E	S	B	U	K	L	E	W	A	
A	M	J	S	I	M	A	T	A	W	A	N	E	M		
P	S	P	A	I	L	O	T	T	E	S	O				
E	N	P	A	U	L	N	T	E	K	S	K	L	A	S	
P	A	M	I	P	A	T	N	O	I	S	N	E			
A	G	R	I	K	A	L	S	A	A	S	N	A	T	O	
T	O	O	T	A	M	I	I	T							
O	K	M	K	A	L	S	A	H	E	L	A	A			

I kam long pes 16....

266	BAULE	Kaupa	M	Simbu	320	KALAL	Randé	M	ENBP	386	NENS	Elas	F	ENBP	440	TOMUR	Kentis	M	ENBP
267	BENNY	Jonathan	M	Mine Bay	327	KAMBUA	Rebecca Ryan	K F	Simbu	387	NONUTS	Eunice	F	Jiwaka	447	TORUBA	Vincent Ené	M	ENBP
268	BERNARD	Anna	F	Simbu	328	KAMENG	Lawrence	M	ENBP	388	NIARUKU	Newton	M	ENBP	448	TOUA	Aweo	M	Central
269	BEVAN	Abbey Kulu	M	Central	329	KARU	Maximilian	M	ESP	389	NIARA	James	F	Gul	449	UPARI	Lonia	F	ENBP
270	BIRKA	Chilton	M	ENBP	330	KARUPANG	Michael	M	AROB	390	NIJIN	Vicky Victoria	F	Enga	450	UPEGUTO	Wahie	M	ENBP
271	BONDOBO	Marin	M	ENBP	331	KASMON	Bernice	F	ENBP	391	NINGAKUN	Gavin	M	ENBP	451	VALIAN	Alisa	M	ENBP
272	BORA	Cathy	F	ENBP	332	KATUME	Douglas	M	ENBP	392	NORRY	Clara	M	ENBP	452	VIES	Zake	M	Morobe
273	BRASS	Emmanuel	M	Jiwaka	333	KAU	Nakata Jeyan	F	ENBP	393	OKANE	Sylvester Ali	M	ENBP	453	WALOU	Toshio	M	ESP
274	BUAKIA	David	M	ENBP	334	KAUM	George	M	Enga	394	OPA	Paul	M	Jiwaka	454	WARRON	Calvin Kundiyab	M	ESP
275	BUDIARA	Albert (Junior)	M	Mine Bay	335	KAVA	Louis	M	ENBP	395	PALIK	Theodore	M	ENBP	455	WAMONG	Elise	F	ENBP
276	CHOLAI	Tuan Jaru	F	Manus	336	KAVOA	Mitruas Mangat	M	ENBP	396	PANE	Michelle Margat	F	ENBP	456	WANA	Jonathan	M	Morobe
277	CHRIS	Bax	M	ENBP	337	KAYSTAR	Zeno	M	Enga	397	PAND	Nathaniel	M	Sandaun	457	WANE	Benjamin	M	ENBP
278	DABIE	Steven	M	ENBP	338	KILAVETARI	Henao	M	Central	398	PARU	Charles	M	Jiwaka	458	WANDU	Arnold	M	ENBP
279	DAMIRI	Michelle	F	ENBP	339	KILIPAH	Paul	M	ENBP	399	PERO	Colby Aiyau	F	Madang	459	WARA	Jeremiah Apelus	M	ENBP
280	DANAM	Roy	M	Madang	340	KINIKALI	Armeda	F	WHP	400	REPO	Yano	M	ENBP	460	WATAE	Michael Shilum	M	Sandaun
281	DANNY	Medlyn	F	ENBP	341	KIRIMOTI	Kathleen	F	Oru	401	PHILIP	Lukson	M	ENBP	461	WAUNDI	Immanuel	M	Morobe
282	DAVID	Abraham	M	Madang	342	KITCHA	Drew	M	Oru	402	PHILIP	Prossy	M	Enga	462	WAVIK	Mia	M	Central
283	DIBANA	Dibana	M	Central	343	KOKE	Norman	M	WHP	403	PUS	Richard	F	Simbu	463	WILLIE	Elizabeth	M	Jiwaka
284	DIVO	Ray	M	Central	344	KONIA	Mama	M	Simbu	404	RAIT	Nathan	M	Sandaun	464	WOCH	Jeffery Supurusu	M	ENBP
285	DOBU	Maria Anna	F	Mine Bay	345	KONWALE	Marianne	F	ENBP	405	POPERHY	Wilfred Pope	M	ENBP	465	WOMBA	Kenneth	M	ENBP
286	DUMIT	Joseph Rodrick/Calu	M	AROB	346	KOPASALI	Nicholas	M	ENBP	406	POPO	Kanau	M	Manus	466	WONU	Mary Gerithy	J	Madang
287	DUSA	Hebron	M	Morobe	347	KOPUS	Rikard	M	New Ireland	407	POSAREI	Marino	M	Manus	467	WOROMANI	Sales	M	ENBP
288	ETFA	Raka	M	Manus	348	KOYA	Peta	F	ENBP	408	PYAMBARU	Angelyn	F	Enga	468	YABLAN	Lavina	F	Sandaun
289	ELISHA	Ponak	M	ENBP	349	KUOP	John Baptist	M	Manus	409	RAMBUA	Rodney	M	ENBP	469	YAGI	Ira	F	Sandaun
290	ERICK	Vernis	F	Morobe	350	KURANSANI	Mathew	M	ENBP	410	RAMT	Elas Tsumunika	M	ENBP	470	YAMALO	Moses	M	New Ireland
291	ERICK	Tenny	M	ENBP	351	KUVANG	Brian	M	ENBP	411	RAYMOND	Marino	M	ENBP	471	YAMBI	Junior	M	Enga
292	F. TOMBEL	Enck	M	ENBP	352	KWALAU	Samson	M	Western	412	RITAN	Jackson	M	ENBP	472	YAMBUN	Lamey	M	ENBP
293	GABUINA	Dewyn	M	Mine Bay	353	LACEY	Jordan	M	AROB	413	ROBBIE	Elton	M	ENBP	473	YANDAD	Roger	M	Enga
294	GANDU	Barth Bartholomew	M	Madang	354	LAEBEN	Berly	M	Morobe	414	RONEKA	Nathan	M	Morobe	474	YASIME	Gibson	M	ENBP
295	GAUUR	Roger	M	WNB P	355	LAKAN	Lloyd	M		415	ROY	Ronald	M	ENBP	475	YEMBINARO	Edwin	M	ENBP
296	GEK	Prossy Kingdon	M	Jiwaka	356	LAKI	Layton	M	ENBP	416	SABAK	Nova	F	Manus	476	YOBINEM	Dominc	M	ENBP
297	GERIYE	Peter	M	Jiwaka	357	LANGAI	Shana	F	Enga	417	SAGI	Reyaggo John	M	ENBP	477	YOKO	James	M	Enga
298	GIONG	Fonake	M	Morobe	358	LASSI	Wendy Aulim	M	New Ireland	418	SANGAI	Maxon Watini	M	ENBP	478	FUNUMI	James	M	ENBP
299	GOI	Eynce	F	Morobe	359	LAUSE	Ephraim	M	ENBP	419	SAGI	Bernice	M	ENBP	479	ZURA	Erni	M	Morobe
300	GODYA	Gerard	M	ENBP	360	LINGAS	Abasolom	M	Madang	420	SARU A	Peter	M	Gul					
301	GUNUA	Nathun	M	Simbu	361	LOIPID	Xavier	M	Gul	421	SAUBAH	Aaron	M	ENBP					
302	GURRA	Francis	M	ENBP	362	LOKOTA	Lusuk	M	ENBP	422	SAVITAS	Dave	M	ENBP					
303	HANDI	Elvis	M	ENBP	363	LOLO	Dani Gela	M	Morobe	423	SAWALIK	William	M	ENBP					
304	MARRY	Joe	M	Enga	364	MACCA	Philip	M	WNB P	424	SEGEDABA	Joel	M	Western					
305	HAUA	Hillary	M	ENBP	365	MAISA	Joycelyn	F	Jiwaka	425	SEKAPA	Joe	M	ENBP					
306	HEROMA	Maria	F	Oru	366	MAKEI	Doming Augustine	M	AROB	426	SEKAPA	Apo	M	Jiwaka					
307	HEWA	Henri	M	ENBP	367	MANIKUMBU	Nathan	M	ENBP	427	SEKA	Jack	M	Morobe					
308	HITCHEN	Ravi	M	ENBP	368	MANINGU	Emmanuel	M	ENBP	428	SEKA	Jesse	M	Madang					
309	HORI	David	M	ENBP	369	MANUA	Donovan	M	ENBP	429	SILPON	Robinson	M	ENBP					
310	IPU	John	M	Enga	370	MARCUS	Pons	M	ENBP	430	SMITH	Lavina	F	WHP					
311	IRMA	Ismael Kulek	M	ENBP	371	MAIK	Clement	M	ENBP	431	SOLD	Wapo	M	ENBP					
312	JACK	Bucka	M	Hela	372	MARONGA	Warini	M	Morobe	432	SOMA	Dianne	F	New Ireland					
313	JACK	Paul	M	Enga	373	MASE	Elizabeth	M	ENBP	433	SONGO	Jonathan	M	ENBP					
314	JACK	Sam	M	Enga	374	MEK	John	M	WHP	434	TABOKOM	Linda	M	Sandaun					
315	JACOBS	Mathew Alus	M	AROB	375	MEK	Kingdon	M	WHP	435	TAREN	Osuna	M	Madang					
316	JAMES	Monica	F	WHP	376	MEK	Jonathan	M	ENBP	436	TANGOLE	Joel Ron	M	WNB P					
317	JAMES	Richard	M	Manus	377	MERO	Nathan	M	ENBP	437	TAOVE	Dorell	M	ENBP					
318	JEFF	Junior	M	WHP	378	MERA	Arnold Nicholas	M	Gul	438	TAULE	Michael	M	ENBP					
319	JEFFERY	Virginia	F	Mine Bay	379	MU	Joel	F	Gul	439	TEI	Henry	M	Jiwaka					
320	JOEL	Juliah	M	Simbu	380	MICHAEL	Alvin	M	Simbu	440	TEP	Arnold	M	WHP					
321	JOHN	Koma	M	Simbu	381	MOGOZIME	Vincent	M	ENBP	441	THOMAS	John	M	WHP					
322	JOHN	Kawak Junior	M	Simbu	382	MORRIS	Darren	M	Central	442	TOTAM	Henson Mulas	M	ENBP					
323	JOHN	Ronald	M	Hela	383	MULINA	Rox Elizabeth	F	Central	443	TOTATA	Nigel	M	New Ireland					
324	KAPOL	Lapoh	M	Jiwaka	384	NANAO GOMA	Lodanna	F	Simbu	444	TOKO	Arizona	M	ENBP					
325	KAKADELYD	Isaac	M	Enga	385	NASON	Beslyne	M	ENBP	445	TOMMY	Albert	M	WNB P					

Tok orait i kam long:

Professor David Kavanamur
Director General
Office Of Higher Education.

Ol nius poto:

Tripela bikmanhusat i bos long tripela stetutori ogenaísesen i bin ol wok kontrek long Gavman Haus, Mosbi long las wik Fonde. Tripela em Andrew Posong em Provinsel Seketeri bilong Manus Provinsel Gavman i sainim 4-pela yia kontrek, Roko Kolomas olsem Nesenel Stetistisen wantaim Nesenel Stetistikel Opis long 3-pela yia na Fred Konga olsem Siaman bilong Boda Developmen Atoriti long 4-pela yia. Gavana Jenerel na Gren Sif, Sir Michael Ogio i bin go pas long seremoni we Seketeri bilong Pesenel Menesmen, John Kali, i bin witnesim saining seremoni tu. Nesenel Eksekutiv Kaunsel i bin tok oraitim ol apoinmen na ol i gesetim pinis long Nesenel Geset, opisel buk bilong gavman bilong PNG.



Andrew Posong i sainim wok kontrak long ai bilong Gavana Jenerel na Gren Sif, Sir Michael Ogio na Seketeri bilong Pesenel Menesmen, John Kali,



Roko Koloma i sainim kontrak na



Fred Konga i sainim kontrak long ai bilong Gavana Jenerel na Gren Sif, Sir Michael Ogio.

Ol Poto: Gavman Haus GG Midia

Raun wantaim Kanage olgeta wik

Planti Refrens musik tumas
WANPELA Fraide nait Kanage pilai laki wantaim ol wantok bilong em long Sandaun kem long Madang. Long wankain taim tu i gat danis long Raikos kem. Kanage pilai laki go na harim olsem ol musik tasol i wok long kamap long danis. Kanage harim dispela ol wankain musik i go na belhat nogut tru. Em nau em kirap na tok "Yupela, ol Raikos ya wok long pilaim tasol ol referens musik bilong ol, na ai bilong mi laik silip nau." Ol wantok bilong em harim olsem na kaikaim graun. Bikos Kanage i laik tok feveret na em i abrus na tok referens.

George Mango
Sandaun Kem-WEWAK.

Holim strong
Kanage em bilong Watom ailan long Is Nu Briten provins. Wapela taim, ol bikman long ples askim Kanage long go wantaim ol long Rabaul taun. Ol kisim moto kam long ples Vunavulile na go sanap long rot wetim kar stap. Wapela waitman draiv kam na ol stopim em. Waitman askim ol, "Where are guys going?" Narpela yangpela mangi tokim em ol laik go long Rabaul taun. Kwan, waitman tokim ol long kalap. Yangpela mangi tokim ol biklain long kalap na em yet bai sindaun long fran long wanem em save long Tok Inglis. Tasol nogat. Kan-



age tokim em long sindaun wantaim ol lapun long baksait. Kanage kalap long fran na ol ron go. Ol ron go abrusim Vuvu na ren pundaun. Waitman ya tokim Kanage, "Please, wind up your window." Kanage kirap singaut go long ol lain long baksait, "Ol lain, waitman tok olsem holim strong!" Ol ron go long kona bilong Nonga Haus Sik na waitman ya askim Kanage gen, "Please, wind up your window." Nogat. Kanage kirap singaut gen long ol lain long baksait, "Aiya, yupela holim strong." Ol ron go na waitman ya belhat long wanem ren wasim insait bilong kar. Em singaut long Kanage, "Wind up your window now!" Tasol nogat. Longlong Kanage singaut long ol lapun long baksait, "Waitman tok kalap go ausait nau tasol." Kanage tasol mekim na olgeta lapun kalap na kisim bagarap long ol as bilong ol banana.

Mambu
Wantok Bilong Yu Yet

San na mun
Kanage wantaim poroman bilong em

Orike pilai snuka long haus bilong Kanage. Sampela meri Kerema go long haus bilong Kanage long kisim wara long paip wara bilong Kanage long wanem ol nogat wara long hap bilong ol. Orike lukim ol meri Kerema wokabout go arere long haus na em giaman na tokim Kanage, "Aiyo, perendo! Bikpela kus stret pas long trausis bilong yu ya!" Kanage paul olgeta na hariap tru rausim trausis bilong em. Ol meri Kerema lukim Kanage sanap as nating na wapela bilong ol tok, "Aiyo, san tasol bikpela mun kam aut." Kanage harim olsem na bekim, "Sapos mun i sain long ai bilong yu, yu bai tingting na pilim olsem yu stap long mun ya." Meri ya harim bekim bilong Kanage na em tok, "Ating mun ya i mas i gat strongpela lait bilong paulim tingting bilong man gen ya."

Wopa Mote
Mosbi

Ol skwat!
Salim ol gutpela Kanage
tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
jwilson@wantok.com.pg

Mi laik save moa long statim bisnis

Dia Laipplain

Mi greduet long wapela teknikel skul wantaim mekanikel enjiniering diploma, tasol mi no inap painim wok.

Nau mi kirapim laik long statim bisnis bilong mi yet, tasol mi no save wanem samting mi mas mekim long kamapim bisnis.

Mi wari bikos sapos mi no wokim wapela samting na save mi kisim bai lus nating.

Mekanikel Enjinering greduet.

Dia Pren

Mipela i laikim tru laik yu yet i soim long kamapim bisnis bilong yu yet.

Mipela i wanbel wantaim yu bikos sapos yu wok long ol narapela, yu bai i no inap kisim helpim yu kisim i go wantaim save bilong yu.

Em bai gutpela sapos yu go pas long kampani bilong yu yet na long mekim disisen we i go wantaim plen bilong yu long kamapim bisnis bilong yu yet.

Mipela tingim hamas greduet i stap insait long kantri wantaim wan kain tingting.

Em sore samting olsem planti bilong ol yangpela pipel tude i bilip long greduet long ol yunivesiti na kolis, ol bai painim wok insait long



pablik o praivet sekta. Wanem samting bai kamap sapos ol i no painim wok?

Taim ol i no painim wok na taim ol i stap long dispela situesen o kain sindaun, ol bai belhat.

Husat bai ol i poinim pinga long en taim dispela i kamap? Taim gem bilong poinim pinga i no kisim gutpela bekim, ol bai tanim long mekim ol no gut pasin we i no gut long komyuniti na em mekim pani long edukesen ol kisim.

Mipela bai autim sampela tingting long yu skelim na sapos yu laikim yu ken traim.

Namba wan samting yu ken traim em, kamapim strong bilong yu na painim taim long plen wanem wei yu laik kamapim bisnis bilong yu.

Yu ken traim askim ol famili bilong yu wanem tingting ol i gat long helpim yu statim bisnis. Em bai mobeta long askim ol famili memba husat i gat trupela laik long helpim yu.

Yu mas gat kapitel o liklik mani pastaim long statim bisnis bilong yu.

Sapos yu nogat mani, mipela strongim yu long noken wari. Toktok wantaim ol long famili memba long helpim wantaim sampela mani long kirapim na ronim bisnis.

Em bai gutpela sapos yu ken bungim sampela fan na tu, wokim ol kain fanresing olsem kukim kaikai na holim wapela bung we ol pren na bipo skul lain bilong yu i ken kam bung na baim kaikai long yu.

Mipela i ting taim yu gat inap liklik mani yu ken traim ringim menesmen bilong Rurel Developmen Benk long askim long wapela benk dinau.

Laspela tok Laipplain laik tok em:

"Long sanap antap long maunten yu mas painim wei bilong yu antap long maunten. Na long holim renbo yu mas pilim ren long wanem hap yu stap."

Yu bai pilim olgeta dispela blesing sapos yu bihainim tok bilong God (Deuteronomy 28, Ves 2).

Laipplain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipplain

TWL i katim wokman long 50 pesen ...bihain long LNG konstruksen i pinis

Stanley Nondol i raitim

BKPEA kampani bilong lojistik na trenspot long PNG LNG projek em Trans Wonderland Limited, i tokau long rausim ol wokman long 50 pesen na pasim konsotium trenspot kampani, na lukluk long nupela rot bilong mekim bisnis bihain long wok konstruksen bilong LNG i pinis.

Menesing Dairekta bilong TWL, Larry Andagali, i tokuat long kampani i pasim konsotium bisnis na tu, i givim winmani bilong kampani i go long wan wan trenspot kampani husat i poroman long bisnis long taim bilong LNG

konstruksen long 2011.

Mista Andagali i tokuat long disisen bilong kampani long las wik long Pot Mosbi.

Em i tok 40 kar bai no inap wok, m na kampani i givim ol i go long ol papagraun kampani we em i wok wantaim.

Em i tokaut olsem kampani i mekim winmani long mak bilong K13 milien, na em bai go insait long balus bisnis long ol yia i kam, na lukluk moa long ol bikipela projek we LNG bai kamapim bihain.

Em i tok total winmani kampani i mekim namel long Me 2011 i go long pinis bilong Julai 2014 i sanap long

K29.6 milien.

Na total ekspens o mani kampani i yusim long ol kos em K16.6 milien.

Mista Andagali i tok total invesmen bilong ol 10-pela konsotium memba em K750,000 long wan wan memba na sanap long K7.5 milien.

Trans Wonderland Limited em i bikipela trak kampani long kantri.

Em i bin stat operet long Jun 16 2009 long Moro na Kutubu.

Mista Andagali i tok wok bisnis bilong kampani i kamap gut na i mekim bikipela milien kina mani insait long 3-pela yia bikos i bin

gat gutpela menesmen, strongpela bod bilong dairekta, na strongpela sea-holda long ol liklik kampani.

Na bikipela sapot ol i kiisim long Oil Search na Exxon Mobil Developmen kampani.

Mista Andagali i tok TWL i mekim bikipela winmani long taim bilong LNG konstruksen na nau ol i pasim operesen na daunim namba bilong ol wokman long 50 pesen, na bai lukluk long go insait long eviesen bisnis.

Em i tok long las wik ol i skelim winmani bilong ol wan wan kampani na papa bilong ol bikipela kar, na tok tenkyu long oli bin wok bung long

taim bilong LNG konstruksen.

Em i tok kampani TWL bai go het long mekim trenspot na lojistik bisnis long Hela na Sauten Hailens, na long Hailens rijon.

TWL i kamapim dispela bikipela winmani bihain long ol papagraun i putim ol risos wantaim long kepitol sid mani gavman i baim aninit long PNG LNG projek.

Mista Andagali i tok BOD bilong TWL i mekim disisen long larim TWL seaholding papagraun kampani long baim bikipela kar na yusim long LNG projek na TWL i mensim wantaim 130 bikipela

kar bilong TWL yet.

Bihain long en, wan wan papagraun husat i gat kar i givim i go long han bilong TWL.

Mista Andagali long makim maus bilong TWL i tok bikipela tenkyu i go long Agiliti Lojistiks, Mapai Trenspot, Kutubu Transpot, Traisa Transpot, Coastal Frieghters, Michael nad Michael Transpot, Wizzy Transpot na JT transport, long ol sapot bilong ol.

Mista Andagali i tok tenkyu long Oil Search na Exxon Mobil long sapot bilong ol long taim bilong LNG konstruksen.

Ramu NiCo wok lain kisim trening long esid plent operesen

TWENTI faiv (25) ol esid plent enjinia na opereta bilong Ramu NiCo Basamuk Rifaineri i bin stap insait long wanpela spesel trening long sait long wok wantaim strongpela esid sistem.

Wanpela bikipela kampani long Australia, Specialised Engineering Sevis (SES) Pty Limited i bin salim wanpela savamen bilong em i go long Madang long ranim trening long Basamuk Rifaineri bilong Ramu NiCo.

Trening i bin kamap long Oktoba 17 i go long de namba19.

Speselis trena bilong SES Australia, Darren Bridges i tokaut olsem salfarik esid plent bilong Ramu NiCo (MCC) long Basamuk Rifaineri em i bikipela na i gat ol nupela teknikal insait long wok bilong en na em i wanpela long ol bikipela eria plent i save helpim ausait long Australia.

Trening i karamapim esid plent operesen olsem ol strongpela esid sistem, salfarik esid stoa sistem na trense, ges konvesin (draiges) kontek proses na ol arapela.

Mista Briges bilong SES i tokaut olsem Ramu NiCo i gat bikipela salfarik esid plent sis-



Ramu NiCo Basamuk Rifaineri Plent Jeneral Menesa, Phil Allcorn, i givim setifiket long wanpela esid plent opereta.

tem wantaim ol nupela kain teknoloji na em i namba wan bikipela plent we i go wantaim 17-pela arapela long Australia.

"Ol presentesen pekes bilong esid sistem wok bai helpim gut ol wok-lain ol long kisim save na skills long operetim plent wantaim gutpela

sefti stendet long wok insait long kain bikipela plent olsem

Ramu NiCo Basamuk Rifaineri Plent Operesen Jeneral Menesa, Phil Allcorn i tok kain ol trening ol esid plent enjinia na operetta i kisim em bikipela samting tru long wok sait bilong ol na bai helpim

save na skills blong ol long wok.

"Holim gut wanem samting yupela lainim long dispela trening Ramu NiCo i givim long developmen bilong yupela," Mista Allcorn i tok.

Wokman makim ol Ramu NiCo wok-lain, Joshua Yawa,

husat i wok olsem opereta long esid plent i tok trening ol i kisim i gutpela tru na planti ol samting ol i lainim em nupela na go wantaim nupela teknoloji na olgeta i amamas stret.

Narapela trening bai kamap gen long namel bilong

dispela mun bilong ol arapela woklain yusim wankain tren-ing pekes

Ramu NiCo i save operetim tupela 1500 metrik tan pe de (MTPD) na i save yusim Madaree Entaprais teknoloji we i save kam wantaim ZeKo kula na mist elimineta.



OUR AMAZING TURA HALF PRICE FARES!*

50,000 SEATS AT HALF PRICE!

BOOK NOW!



Air Niugini
www.airniugini.com.pg

Call Toll Free on **180 3444** or contact your nearest Air Niugini Travel Centre or Travel Agent for further details.

*Conditions Apply. 50% Discount applies to Domestic Fares. International Tura Fares also available. Call now!





Medikol Sekap long ol Ramu NiCo Wok Lain Kamap

RAMU NiCo Menesmen (MCC) Limited i luksave olsem olgeta wokman bilong en long olgeta teknikal dipatmen stat long KBK Main i go long Basamuk Rifaineri i mas stap fit na helti oltaim.

Ramu NiCo wankain olsem ol arapela maining kampani o oge-naisesen i luksave olsem pisikol helt bilong ol wokman meri bilong en em bikipela samting tru.

Tai mol wokman meri bilong Ramu NiCo i stap fit na helti ol bai wok gut na no inap painim birua long sait long sefti na tu ol bai kamapim gutpela wok long helpim prodaksen bilong Kampani.

Olsem na olgeta yia insait long 6-pela mun ol medikol tim bilong Ramu NiCo i save karimaut medikol sekap long olgeta wok lain bilong en.

I no long taim i go pinis Ramu NiCo Medikol tim i statim medikol sekap long Basamuk Rifaineri na go antap long KBK Main long sekim olgeta wokman meri long olgeta dipatmen.

Ramu NiCo Medikol Tim em Dokta Ming Meng (Helt Suprintenden), Dokta Cui Yi Sheng, nening opisa Paul Konare, nening opisa Cyril Begonia na wanpela leb teknisen bilong Modilon Jeneral Hausik, husat i helpim ol.

Dokta Meng i go pas long yusim elektrik masin long sekim ol lang, na Dokta Sheng i sekim blut presa.

Nening Opisa Cyril i karimaut wok long sekim ai bilong ol wokman yusim ol piksa na namba na leta we ol leta ol lain i sanap na lukim na kolim.

Medikol tim i bin kisim blut tu long sekim sapos i gat sik na tu ol i kisim ol pispis bilong ol wokman-meri long sekim gut.

Wankain medikol sekap tu i bin kamap long Madang Operesen Bes bilong Ramu NiCo long Madang taun.

Ramu NiCo Nening Opisa long Basamuk Rifaineri, Paul Konare, husat i stap long medikol tim long karimaut sekap i tok olsem dispela medikol sekap i save kamap long olgeta yia insait long 6-pela mun long sekap olgeta wok lain bilong Ramu NiCo.

Mista Konare i tokaut olsem ol i

kamapim sekap long sait long suga level, kisim tes long pispis na tes long bodi long kisim win na tu tes long HIV/AIDS na ol arapela sik.

Em i tokaut olsem medikol sekap blong ol wok lain long Basamuk Rifaineri i bin kamap long mun Epril na bilong KBK Main na Madang Bes i bin kamap long mun Oktoba.

Dokta Meng i tokaut olsem planti ol wokman blong KBK na Madang we ol i sekim ol i orait wantaim gutpela fisikol na helt kondisen. Tasol i gat sampela i save simuk planti tumas we ol i givim toktok long ol olsem ol i mas stop simuk, dring planti wara na mekim moa eksesai.

Moa long en tu, sampela ol wokman husat i save kaikai planti gris kaikai bikos long planti kaikai na abus long Ramu NiCo mess i mas kontrolim kaikai ol i kisim. Dispela em bikos taim ol i kaikai moa gris kaikai ol bai kamapim moa fat long bodi bilong ol we em i no gutpela long sait long helt bilong ol.



Dokta sekim ai bilong wokman.

Dokta Meng i sekim win bilong wanpela wokman.



Nening opisa Paul Konare sekim wanpela wokman slip.

Ol wokman sanap long Paul Konare sekim ol.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela
Ramu NiCo,
Wanpela
Komuniti

Wol Tred Senta i op bek

BIKPELA bisnis senta bilong wol ol i kolim long Wol Tred Senta (WTC) long Manhat-tan, Nu Yok long Amerika i op bek gen long dispela wik Mande.

Nupela WTC i op bihain long 13 krismas taim ol teroris i bin bomim Twin Tawa long Septemba 11, 2001, na klostu 3,000 pipel i bin dai long dispela bikipela birua we i bin seksekim wol na opim ai long mekim samting long daunim wok teroris long wol.

Dispela WTC em i bikipela bilding stret long Amerika na olgeta bikipela wok bilong bisnis na tred long wol i save kamap long dispela bilding.

Tasol rot long sanapim nupela bilding i kam inap long opening bilong em i no bin isi. Ol tok kros i bin stat bihain ol i bin rausim na klinim ol pipia long ol bagarap bilong dispela bikipela tred senta i bin gat planti tausen opis long yia 2002, long ol kos, disain, sekyuriti na nem bilong bilding tu.

Tasol tawa ya, em wok bilong teknoloji na i naispela na gutpela stret, i sanap long ol ain moa long 100 fit aninit long Wara Hudson, i kirap na sanap long notwes kona bi-

long pastaim WTC.

Long Mande yet, ol Conde Nast megesin empaia olsem Vogue, GQ na Vanity Fair, i bin kirapim wok long ol nupela opis long WTC wantaim 2,300 woklain. Ol i pulimapim 14-pela stori long dispela nupela WTC bilding.

Long planti we, dispela i makim fainel hap long kirapim bek Lowa Manhattan i bin bagarap olgeta taim ol teroris i bin haijekim tupela jet balus na bamim i go long Twin Tawa bilding long moning bilong 9/11/2001.

Long Septemba 11, 2011, ol i bin opim Memoriel na 6-pela mun i go pinis, ol i bin opim 9/11 Musium. Ol i bin bildim tupela ya long tingim ol pipel na ol samting i bin lus long 9/11/2001.

Wan Wol Tred em i bikipela samting bai skruim wok long bihain taim.

"Dispela em i bikipela samting, Steve Plate, husat i go pas long ol konstraksen wok bilong WTC i tok.

"Mi bin stap long dispela de taim birua i kamap, na long lukim samting long stat na we yumi stap long en tude i olsem wanpela mirakel," Mista Plate i tok.

"Tru tru dispela em i

namba 8 "wonders of the world" na bilding tu yet i wanpela bikipela samting bilong dispela kantri," Mista Plate i tok.

Nupela Wol Tred Senta i sanap long ples klia long Manhattan skailain, Amerika. Stori na Poto i kam long Intanet



Air Niugini

NUPELA EALAIN STATIM OPERESEN AIR NIUGINI TOK HAMAMAS LONG LINK PNG LIMITED



Air Niugini Bod na Menesmen i tok amamas i go long menesmen long nupela ealain Link PNG, husat i stat operesen long nambawan wan 01st de bilong Novemba 2014.

Bod Seaman, Sir Frederick Reiher i givim tokorait na amamas long menesmen tim husat i go pas long dispela wok, Sief Eksekutive Opisa, Daniel Wanma olsem, wok bilong ol bai go strong na gohet gut.

Ol i bin selektim dispela tim na amamas long ol taim ol i oraitim olgeta wok bilong PNG Civil Aviation Safety (PNGCASA) na tu kamap gutpela na fit wok manmeri long olgeta mandatory rikwaiamen.

"Ol dispela wokmanmeri wantaim ol teknikol kru na ol arapela wokmanmeri i kamap nambatu wokmanmeri bilong Air Niugini long tok orait na agrimen long wok ananit long Link PNG inap ol i oraitim posisen bilong ol wantaim Link PNG."

Dispela nupela subsidri i operet antap long "low kos keria"modol, i kamapim inap long poket na seif sevis i go long pipel bilong Papua Niugini. I sevisim olgeta rot raun bilong PNG long levul bilong komyuniti sevis (CSO) na mak bilong en, na i no long remot eria tasol, i no dia tumas sevis bai stap ol taim, na bai gohet moa we pipel i nidim transpot long dispela kantri.

Link PNG i operet long graun bilong ol yet i stap long klostu long sait bilong Cargo Teminal eria long 7- mail, Port Moresby.

IPBC Bod Seaman, Paul Nerau i rausim veil bilong Link PNG laiveri na lonsim inagoral flait, PX 808 i kamaut long Nadzab ples balus i go long Hoskins na Rabaul long Sarere 1st Novemba 2014.



Ol wok lain bilong Ramu NiCo long Madang Operesen Bes i soim ol tropi na sil kampani i baim bilong Bantik Soka kompetisen long Usino Bikples. *Poto: James G.Kila*

Ramu NiCo sapotim Bantik soka kompetisen

James G. Kila i raitim

WANPELA soka kompetisen long Usino lokal level gavman eria long Madang provins bai amamas bihain long fainel wantaim stail stret.

Dispela em bai kamap bikos Ramu NiCo Menesmen (MCC) Ltd i baim ol sil na tropi na ol medol long givim long ol tim i win long fainel.

Ramu NiCo i luksave long dispela kompetisen bihain

long ol lain husat i go pas long ogenaism i bin raitim pas i go long kampani long helpim wantaim ol tropi na sil long givim ol tim bihain long fainel bilong kompetisen.

Bantik soka kompetisen i save kamap long Usino bikples na i bin ran insait long las 5-pela mun na i save kamap long Usino LLG wod 31.

Dispela kompetisen i save bringim 8-pela klen o wanpisin long ol viles i stap

namel long Banu bris na Usino Maurot, i go long bikpela nikel/kobalt main em Ramu NiCo i wok i stap long en.

Kodineta bilong Bantik soka kompetisen, Pastor Tom Kadis i tok bikpela astingting bilong kamapim dispela kompetisen em long bungim ol yut long stap insait long spot na no ken raun nating na kamapim lo na oda hevi long komyuniti.

Pastor Tom i tok amamas long Ramu NiCo long

helpim kompetisen wantaim ol sil na tropi long givim ol tim bihain long fainel we bai kamap long tupela wiken i kam.

Em i tok Bantik soka kompetisen i karamapim ol viles na hauslain long inlen paipain eria bilong Ramu NiCo na dispela helpim bai strongim gutpela wok bungamel long kampani wantaim ol papagraun na ol pipel bai soim rispek na tu lukautim paipain bilong kampani.

PRL semi fainel bai kamap long wiken

Isaac Liri i raitim

DISPELA yia, Pot Mosbi Ragbi Lig (PRL) i bungim bikpela salens long sait painim ples bilong pilai.

Wok konstraksen i kamap long ol bikpela stedium long wok redi long 2015 Pasifik

Gems na dispela i lukim ol pilai bilong PRL i kamap long ol liklik ples bilong pilai long Hohola na Murray Bareks.

Wantaim ol bikpela salens PRL i bungim, menesmen wantaim ol klap bilong kompetisen i bin wok hat tru long ranim ol pilai bilong ol.

PRL bai i lukim semi fainel i kamap long dispela wiken.

Long las wiken, Kalvaso Butterflies i bin winim ol Dobo Warriors na bagarapim sans bilong ol long go pilai long semi fainel.

Pilai namel long ol Butterflies na Dobo Warriors i bin

wanpela strongpela pilai we i lukim pinis skoa i sanap 18-16.

Ol manmeri husat i bin lukim dispela pilai i bin ting olsem Dobo Warriors bai win, long wanem, ol i bin pilai strong tru long namba wan hap.

PNGOC sapotim ol teknikel opisal bilong PNG Gems

Isaac Liri i raitim

“OL teknikel opisal i save mekim bikpela wok long helpim ol spot manmeri na ol i nidim planti sapot.”

Dispela em tok bilong Presiden bilong Papua Niugini Olimpik Komiti (PNGOC), Sir John Dawanincura, taim em i tokaut olsem PNGOC i givim K40, 000 long sapotim ol teknikel opisal husat bai helpim ol spot manmeri long PNG Gems we bai kamap long Lae bihain long neks wik.

Dispela mani em stap insait long baset aninit long solidariti fanding bilong PNGOC we ol i save yusim long helpim ol teknikel opisal na strongim save bilong ol long ol teknikel wok ol i save mekim.

“Kwaliti bilong ol teknikel



Sir John Dawanincura

opisal em i bikpela samt-ing, sapos i gat kwaliti teknikel opisal, ol spot manmeri bai pilai strong,” Sir John Dawanincura i tok.

Mani we i go long sapotim ol teknikel opisal i go long Papua Niugini Spot Faundesmen (PNGSF) we ol bai menesim long stretim na lukautim ol teknikel opisal.

Bikman bilong Host Ogenaising Komiti bilong 2014 PNG Gems, Peter Chalapan, i tok ol bai yusim dispela mani long helpim ol teknikel opisal long wokabout bilong ol i go long Lae na gutpela sindaun bilong ol long hap.

Mista Chalapan i tok tenk yu long PNGOC long sapot ol i givim long helpim ol teknikel opisal.

Em i tok ol teknikel opisal husat i wok long PNG Gems bai kisim sampela ekspirians na redi long wok long bikpela pilai Pasifik Gems long neks yia.

Ramu NiCo i givim K10,000 long helpim Tim Madang

James G. Kila i raitim

RAMU NiCo Menesmen, long las wik Fonde, i givim K10,000 sek mani long sapotim Tim Madang long go pilai long PNG Gems long Lae, Morobe provins.

Presiden bilong Ramu NiCo, Wang Jicheng wantaim Vais Presiden, Wang Baowen, i amamas long bungim ol opisal bilong Tim Madang, na tu, deputi Madang Provinsal Edministreta, Gane Agodop na givim sek mani.

Dispela seremoni i bin kamap long Ramu NiCo Edministresen bes bilong kampani long Madang taun.

Presiden Wang i tok Ramu NiCo i amamas long stap olsem developmen patna insait long sosel developmen bilong Madang. Em i amamas long sapotim

ol sosel progre bilong ol pikinini, wimen, yut na spots, long wanem, dispela i gutpela rot long go het wantaim developmen bilong ikonomi.

Mista Wang i tok em i luksave olsem planti lain long Madang i wok long putim ai long Ramu NiCo long helpim, tasol nau yet kampani i stap yet long remp-ap stes bilong en. Dispela i min olsem em i no go insait long ful operesen bilong en yet. Em i wok long testim yet ol masin bilong en inap em i kamap long 100 disain kapasiti mak long 2015 em ful operesen bai kamap.

Deputi Pablik Edministreta bilong Madang, Mista Agodop, i givim bikpela tok tenkyu makim Madang Edministresen na Provinsal Gavman i go long Ramu NiCo long dis-

pela helpim.

Em i tok dispela mani bai go long helpim moa long 400 spot manmeri na ol opisal long redim ol yet long go long PNG Gems.

Mista Agodop i tok Madang Provinsal Gavman na Edministresen i luksave long Ramu NiCo olsem wanpela bikpela developmen patna insait long provins. Em i tok kain helpim ol i givim i soim tru olsem ol i stap long helpim sosel developmen insait long Madang provins.

Em i tok Ramu NiCo em wanpela kampani we i save luksave long helpim long wanem rot em i ken long promotim sosel na ikonomi developmen long Madang.

Presiden Wang i tok Ramu NiCo bai sapotim na singaut long strongim Tim Madang long dispela PNG Gems.



Ol provins mas amamas long PNG Gems

PNG Gems i bin stat long 2003 wantaim astingting long painim ol grasrut spot manmeri, na givim ol sans long soim kala bilong ol.

Dispela nesenel pilai i bin kamap taim Papua Niugini Spots Faundesmen i bin stap olsem Papua Niugini Spot Komisen.

Bihain long 10-pela yia, PNGSF i lukim olsem dispela pilai i karim kaikai, long wanem, ol bikpela spot ogenaimesen i save painim planti grasrut spot manmeri husat i kam long ol ples, na givim ol sans long kisim gutpela trening na kamap bikpela spot manmeri.

Wanpela bilong ol we planti bilong yumi save long em nau, em sprinta bilong Papua Niugini, Toea Wisil.

Bikpela askim we olgeta provins i mas askim em, long wanem as tru na ol i mas lukim PNG Gems olsem bikpela samtung.

Dispela askim em i gat planti bekim bilong en, tasol moa yet, yumi mas lokim long tingting olsem dispela pilai em long painim ol pilai na givim ol sans long develop i go long ol arapela level i stap antap.

Wok bilong painim ol dispela spot manmeri husat i hait antap long ol maunten, insait long ol bus, na long ol ailan namel long solwara, em i no isi.

Ol Distrik Edministresen long wan wan provins i gat bikpela wok long painim ol dispela spot manmeri, bringim ol i kam long provinsal level na long hap ol i ken go long PNG Gems.

Long sampela ekspirians we i kamap long bipo, sampela bilong ol dispela spot manmeri i save painim rot bilong ol yet long sait bilong pilai long lokal level na go antap long provinsal level.

Ol Provinsal Gavman i no ken larim ol dispela kain spot manmeri i painim rot bilong ol yet, ol i mas soim sapot bilong ol na putim moa mani long spot.

PNG Gems i kam klostu nau, na planti spot manmeri husat i save hait bai kamap ples klia nau.

Burgess; Inglan i mas winim Australia

GEORGE Burgess em wan-pela strongpela pilaia bilong Inglan we planti pilaia long Australia i save pret long em.

Dispela em tok we kosa bilong Australia, Tim Sheens, i tok taim em i harim ol Burgess i tokim ol nius ripota long Australia olsem Inglan i mas winim Australia, na moa yet, winim dispela foa nesen tonamen.

Las taim we Inglan i winim Australia long ragbi lig, em long yia 1995.

Burgess i tok Inglan i wet longpela taim tumas long winim Australia, na Inglan i no ken wet yet.

Em i tok olsem em i klia olsem Australia em wol sempion, tasol em i gat bilip olsem Inglan i gat ol gutpela

pilaia husat i ken pilai strong na win.

Burgess husat i gat 22 krismas, i wok long redi long laspela pilai bilong ol egensim Nu Silan long dispela wiken. AAP

George Burgess long las yia wol kap



Papalii bai pilai long fes 13 long dispela wiken

STRONGPELA prop fowod bilong Australia, John Papalii bai pilai long fes 13 lain ap long dispela wiken.

Papalii i bin stap long risev long raun wan na tu, na long dispela las raun, kosa bilong ol Kangaroos, Tim Sheens, i tok olsem Papalii i mas pilai long fes 13.

Australia i bin lus long raun wan, winim Inglan long raun wan, na nau, ol i redi long salensim Samoa.

Mista Sheens i tokim ol nius ripota long Australia olsem ol i mas winim dispela gem sapos ol i laik soim wol olsem ol i trupela wol sempion.

Em i tok planti ol bikpela pilaia bilong Australia olsem Johnathan Thurston i no stap long skwat, tasol em i bilip olsem ol yangpela pilaia i ken strong na win.

Em i save olsem planti ol pilaia bilong Samoa i save pilai long NRL, na ol i gat gutpela ekspiriens long daunim Australia sapos ol i no pilai strong.

Lain ap bilong ol Kangaroo; Greg Inglis, Josh Mansour, Michael Jennings, Dylan Walker,

Sione Mata'utia, Daly Cherry-Evans, Cooper Cronk, Aaron Woods, Cameron Smith (Kepten), Josh Papalii, Sam Thaiday,

Greg Bird, Corey Parker.

Risev: Boyd Cordner, Robbie Farah, Aidan Guerra, Ryan Hoffman, Ben Hunt, David Klemmer, Matt Moylan. AAP

Wanpela pilaia bilong Inglan i takolim Josh Papalii. Poto ABC



Sonny Bill Williams soim kala long ragbi yunien

BIHAIN long Sonny Bill Williams i lusim ragbi lig long las mun, na kam bek long ragbi yunien, ol selekta bilong Nu Silan All Blacks i no westim taim, ol i makim em long stap insait long All Blacks skwat long go salensim ol Amerika.

Arapela biknem pilaia bilong All Blacks husat i kam bek gen na pilai, em top flai hap bilong ol, Daniel Carter.

Carter na Williams i bin pilai gut tru taim ol i salensim ol Amerika long las wiken, Williams i skoim tupela trai we i lukim ol i daunim ol Amerika 74-6.

Dispela bikpela win bilong ol All

Blacks long Amerika i helpim ol long redi gut bipo long ol i go salensim Skotlan, Inglan na Wels. AAP

Sonny Bill Williams. Poto Rugby World



Ol spot poto long wiken...

Ol pilaia bilong Butterflies i amamas bihain long ol i winim ol Dobo Warriors 18-16 long kwata fainel long las wiken.

Ol Poto
Isaac Liri.



Bikman bilong Sauten Rijon ragbi lig, Gwaibo Mairi.



TURA: Tura da Kokomo i raun long ol sios insait long Pot Mosbi.



Kato Ottio, husat i bin pilai wantaim ol PM 13 Kumuls long las mun i bin pilai wantaim ol Dobo Warriors.



RABIS TAKOL: Ol pilaia bilong Dobo Warriors i mekim wangepa rabis takol long wangepa pilaia bilong ol Butterflies.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait



TUNA IN OIL

Liklik klap bikpela mani

Minista i no amamas

PNG Hunters na Kumuls Garry Lo

MINISTA bilong Sports Justin Tkatchenko i tok em i no amamas long disisen bilong sta winga bilong SP PNG Hunters na Kumuls Gary Lo long sainim kontrak long go pilai long Inglen(England).

Tkatchenko i tok tingting bilong Lo long go pilai long Inglen i no stret na i no gutpela long ai bilong ol Hunters menesmen tim.

Gary Lo, na tripela moa pilaia bin sainim kontrak wantaim wanpela liklik klap long Inglen we foma Kumul na Kumuls kosa Stanel Gene nau i kosim na lukautim.

Dispela klap bilong Gena, save pilai long Level aninit tru long PNG Hunters nau i pilai long Q-Kap long Australia.

Tkatchenko i tok Gene i no rispektim ol bod na menesmen bilong Hunters na kam sainim kontrak bilong tupela pilai man bilong Hunters. Em tok Gene sapos long kam miting wantaim ol bod na menesmen bipo long sainim ol.

"Gary Lo, i pulim ai bilong ol klap long NRL pinis na sapos em stap yet wantaim Hunters em bai gat bikpela sans long pilai long NRL" Tkatchenko i tok.

Lo, pinisim dispela yia wantaim top trai skora long Kwinslen kap wantaim 23 trai em bin putim bilong ol PNG Hunters.

Tkatchenko i tok dispela klap Lo wantaim narapela tripela bai go pilai long Inglen bai lukim ol kisim gut mani tasol level bilong ol i no klostu long Q-kap na NRL. Em tok tu olsem em no save sapos Gary Lo klia long dispela level bilong ragbi em bai go pilai long en.

PNG Hunters nau bai painim ol nupela lain long kisim ples bilong Lo na Tali long strongim Hunters bilong 2015 pilai. Ol Hunters i stap yet long malolo na bai go bek long kem bilong ol long pinis bilong dispela mun.



Featured Product Pharmasyntez TB Drugs.

Effective treatment of TB at an affordable Price.

Good Products, Better Prices, i kam long.

Johnstons Pharmcies Ltd

Phone 325 3185 Fax 325 0190 Email sales@johnstons.com.pg

